

1. tölublað, 14. árgangur. Maí 2018

FRÍMÚRARINN



Fréttablað Frímúrarareglunnar á Íslandi

300 ára afmæli ensku Stórstúkunnar



Kaka ársins 2018

Höfundur kökunnar er Sigurður Már konditormeistari í Bernhöftsbakarí



Kakan samanstendur af browniesbotn, súkkulaðikremi með niðurskornum Pristi, sacherbotn og súkkulaðiganache.

Kakan fæst hjá okkur



FRÍMÚRARINN

Útgefandi
Frímúrarareglan á Íslandi
Skúlagötu 53-55,
Pósthólf 5151, 125 Reykjavík

Netfang
ritstjori@frimur.is

YAR
Kristján Jóhannsson (R&K)

Ritstjóri
Steingrímur S. Ólafsson (X)
steingrimur.saevarr@gmail.com

Ritstjórn
Guðbrandur Magnússon (X)
gudbrandur.magnusson@gmail.com

Páll Júlíusson (X)
pj@pj.is

Ólafur G. Sigurðsson (IX)
olafurs@granthornton.is

Pórhallur Birgir Jóseppson (IX)
thorjose@simnet.is

Bragi V. Bergmann (VIII)
bragi@fremri.is

Pétur S. Jónsson (VII)
pedro@medialux.com

Pór Jónsson (VII)
thor12@ru.is

Umbrot
Stefán Halldórsson (VI)
shall@centrum.is

Prentun:
Litlaprent ehf., Kópavogi

Efni greina í blaðinu eru skoðanir höfunda og þurfa ekki að vera í samræmi við skoðanir Reglunnar. Höfundar efnis framselja birtingarrétt efnisins til útgefanda. Ritstjórn áskilur sér rétt til að ritstýra aðsendu efni.

Forsíðumynd
Chris Allerton Photography/UGLE

„Markmið Reglunnar er að göfga og bæta mannlífið. Reglan vill efla góðvild og drengskap með öllum mönnum og auka bróðurþel þeirra á meðal.“

Stefnumótun að ljúka

Í byrjun febrúar 2014 ákvað ég, með eindregnum stuðningi Æðsta Ráðs Reglunnar, að hleypa af stökkunum viðamikilli stefnumótunarvinnu fyrir Regluna. Tílefnið var að þá var farið að hilla undir 100 ára afmæli reglubundins frímúrarastarfs á Íslandi og tímabært að taka til skoðunar stöðu Frímúrarareglunnar á Íslandi og framtíðarhorfur. Verkefnið fólst í því að greina styrkleika og veikleika í starfi Reglunnar, meta tækifæri og ógnanir og þróun samfélagsins og meta þörf fyrir aðlögun og eflingu starfsins til að tryggja vöxt og viðgang þeirra markmiða sem Frímúrarareglan stendur fyrir.

Lögð var áhersla á að gefa sem flestum bræðrum tækifæri til þátttöku í verkefninu og að sjónarmið sem flestra kæmu fram.

Til að stjórna verkinu var skipuð sérstök stefnumótunarnefnd undir forystu Jóns Sigurðssonar, DSM. Nefndin hóf þegar störf og fékk til liðs við sig tæplega 300 bræður á öllum stigum og úr öllum stúkum innan Reglunnar sem störfuðu allir af miklum krafti allt árið. Í lok desember 2014 skilaði nefndin viðamikilli skýrslu til SMR og Æðsta Ráðs Reglunnar um starf sitt og niðurstöður. Skýrslan var í kjölfarið kynnt bræðrum með fundum, á bóka-söfnum og heimasíðu Reglunnar.

Í skýrslunni er að finna ítarlegar upplýsingar um viðhorf bræðra og almennings til Frímúrarareglunnar ásamt tölulegum upplýsingum um starfið. Þá er þar að finna yfir 50 tillögur og ábendingar til SMR og Æðsta Ráðsins um aðgerðir til að bæta starfið.

Skýrslan var til umfjöllunar í Æðsta Ráði í byrjun árs 2015 og eftir það voru tillögurnar flokkaðar og sameinaðar í 30 skilgreind verkefni sem unnið skyldi að í



Valur Valsson.

ákveðinni forgangsröð og komið í framkvæmd. Skipaðir voru starfshópar og unnið að málinu næstu tvö árin. Smám saman luku hópar verkefnum sínum og skiluðu tillögum sem fyrst voru ræddar í Æðsta Ráði og síðan komið til viðkomandi ráða í Reglunni til úrvinnslu og framkvæmda.

Á fundum Æðsts Ráðs Reglunnar í lok janúar og byrjun febrúar á þessu ári var farið yfir síðustu skýrslur starfshópa. Undantekningarlaust einkenndist vinna starfshópanna af mikilli fagmennsku og áhuga fyrir viðfangsefnum. Það sýndi sig vel hvers konar mannauð Reglan býr við. Á flestum sviðum þjóðlífsins eru bræður fremstir í flokki hvað þekkingu og reynslu varðar.

Síðustu verkefni eru nú komin á úrvinnslustig og stefnumótunarverkefninu því að ljúka.

Á þessum tímamótum er ég fullur þakklætis til allra bræðra sem lögðu metnað sinn og tíma í faglega og árangursríka vinnu. Frímúrarareglan mun lengi búa að þessu mikla verki.

Valur Valsson

300 ára afmælishátíð ensku Stórstúkunnar



Allar ljósmyndir frá hátíðinni: Chris Allerton Photography/UGLE

Hátíðarsamkoma ensku Stórstúkunnar í Royal Albert Hall í Lundúnum var afar myndræn og mikið sjónarspil.

Á síðasta ári voru 300 ár liðin frá því að fjórar stúkur á Englandi komu saman og stofnuðu Stórstúku sem við þekkjum nú sem ensku Stórstúkuna (UGLE). Afmælisárið var sannarlega viðburðaríkt hjá Stórstúkunni og var fjöldi viðburða á vegum hennar út árið.

Má þar nefna stóra og minni viðburði, allt frá því að gefa sjónvarpsstöðvum þar í landi kost á að ræða, í beinni útsendingu, ýmis málefni frímúrara við embættismenn, eins og starf, hefðir og fundarsíði Stórstúkunnar, til kappaksturskeppna, fjáröflunarsamkoma, opinberrar guðsþjónustu og fjölskyldudaga.

Er það mál manna að afmælisárið hafi verið einstaklega vel heppnað og að allir hafi fundið eitthvað við sitt hæfi. Enska Stórstúkan nýtti afmælisárið enda vel til að kynna frímúrarastarf fyrir almenningi, eyða misskil-

ingi um starfið og varpa ljósi á það mannræktarstarf sem þar fer fram.

Óhætt er þó að segja að hápunktur afmælisársins hafi verið í október 2017 þegar fram fór sérstök hátíðarsamkoma í Royal Albert Hall í Lundúnum. Fjögur þúsund gestir sátu fundinn og heilluðust af leikrænni lýsingu á arfsögnum og arfleifð frímúrarastarfs, sem flutt var af heimsþekktum leikurum við undirleik Royal Philharmonic Concert Orchestra. Þessi stórkostlega sýning hafði að baksviði risastórt hornmát og hringfara ásamt mikilli ljósa-sýningu.

Stórmeistari Frímúrarareglunnar á Íslandi, br. Valur Valsson, og IVR, br. Kristján Þórðarson, voru fulltrúar Frímúrarareglunnar á Íslandi á hátíðinni í Royal Albert Hall. Auk br. Vals Valssonar voru á hátíðinni 135 Stórmeistarar frá stúkum víða um heim.

Í tilefni af þessum merka viðburði ákváðu frímúrarareglurnar í Danmörku, Svíþjóð, Noregi og Íslandi, sem allar starfa eftir hinu svokallaða sænska kerfi, að færa ensku Reglunni sameiginlega gjöf. Gjöfin var framlag í Góðgerðarstofnun ensku Reglunnar, Masonic Charitable Foundation, að upphæð 44.500 sterlingspund eða sem svarar til eins sterlingspunds á hvern bróður í sænska kerfinu.

Gjöf þessi mæltist vel fyrir og nýlega barst Frímúrarareglunni þakkarbréf frá framkvæmdastjóra góðgerðarstofnunarinnar. Jafnframt fékk SMR sérstakt bréf frá Stórmeistara United Grand Lodge of England, hertoganum af Kent, þar sem hann var beðinn að koma á framfæri þakklæti til allra bræðra á Íslandi fyrir þessa höfðinglegu gjöf.


Ólafur G. Sigurðsson



SMR Valur Valsson ræðir við Stórmeistara ensku Stórstúkunnar, Játvarð hertoga af Kent.

Mikið var lagt upp úr sjónrænni hlið hátíðarsamkomunnar og vakti hún mikla athygli.

Fjöldi leikara túlkaði margvíslega atburði úr sögu ensku Stórstúkunnar. Meðal þeirra eru kunnust þau Derek Jacobi, Sanjeev Bhasakr og Samantha Bond. Undirleik annaðist Royal Philharmonic Concert Orchestra.



Stórmeistari ensku Stórstúkunnar gengur til fundar við upphaf hátíðarfundar.

Ég er frímúrari

Lífshlaupið kennir þér margt sem þú getur ekki „gúgglað“

-segir Sveinn E. Jónsson í Kálfsskinni

Sveinn E. Jónsson, byggingameistari, ferðamálafrömuður og fyrrum bóndi í Kálfsskinni í Eyjafirði, gekk í St. Jóhannesarstúkuna Rún á Akureyri þann 3. nóvember árið 1982, þá fimmtugur að aldri. Hann hefur verið mjög virkur í stúkustarfinu æ síðan, gegndi fyrst embætti starfsárið 1987-88 og síðast starfsárið 2008-2009 og hefur ávallt verið duglegur að sækja fundi. Sveinn hlaut heiðursmerki Rúnar árið 2007. Hann hefur líka verið duglegur að mæla með mönnum inn í Regluna og síðast í haust gekk elsti sonur hans, Jón Ingi, í Rún og fetar þannig í fótspor föður síns. Tíðindamaður Frímúrarans heimsótti Svein á dögnum til að forvitnast um hvað leiddi til þess á sínum tíma að hann gerðist frímúrari og hvað starfið í nær fjóra áratugi hefur gefið honum.

„Ég hef alltaf verið mikið félagsmálátröll og vasast í ýmsu. Ég hef varla tölu á öllum þeim félögum sem ég hef verið í en hef alltaf jafn gaman af slíku stússi,“ segir Sveinn. Hann segist býsna oft hafa verið fljótur að stökkva til þegar leitað var liðsinnis hans en hann hafi hugsað sig vel um áður en hann gekk í Frímúrararegluna.

„Ég þekkti marga Reglubræður og margir þeirra voru góðir vinir mínir. Þeir voru nokkrir búnir að impra á þessu við mig öðru hverju í nokkur ár. Ég kynntist líka mörgum frímúrum í gegnum starf mitt fyrir Búnaðarsamband Eyjafjarðar og sem byggingameistari úti um allar sveitir. Ég hafði hins vegar í nógu að snúast í bygginga-bransanum, búskapnum og félagsmálunum á þeim tíma – að ekki sé talað um sístækkandi fjölskylduna því við Ása eignuðumst börnin okkar fjögur á 12 ára tímabili, 1959-1971. Það var því í ansi mörg horn að líta – og þegar ég tek eitthvað að mér vil ég helst af öllu gera það vel og af heilum hug.“

„Ákvað að þetta hlyti að vera prýðilegur félagsskapur“

Sveinn segir að það sem gerði

gæfumuninn með að hann gekk í Frímúrararegluna hafi óbeint tengst verkefni sem hann vann að á árunum 1980-1981. „Fyrirtækið mitt vann við að byggja útibú KEA og ESSO á Grenivík og í tengslum við þá framkvæmd var ég oft á fundum með þeim Vali Arnþórssyni, kaupfélagsstjóra og Guðmundi Jónssyni „í olúnni“, eins og



Ljósmynd: Páll A. Pálsson.

Vinirnir Sveinn E. Jónsson og Eiður Arnason glaðbeittir í stúkuhúsinu.

Ég er frímúrari

Viðtalið við Svein Jónsson í Kálfsskinni er hið fyrsta í röð viðtala sem munu birtast í Frímúrararannum á komandi árum. Þar verður rætt við ýmsa frímúrara um ástæður þess að þeir gerðust félagar í Frímúrarareglunni á Íslandi og hvað starfið hefur gefið þeim.



Ljósmynd: Páll A. Pálsson.

Sveinn E. Jónsson

hann var jafnan nefndur. Þeir hvöttu mig óspart til að ganga í Regluna en þeir voru báðir miklir frímúrarar.“

Sveinn tók ákvörðun um að gerast frímúrari skömmu síðar. „Þegar ég fór yfir það í huganum hversu marga ég þekkti í Reglunni og að allt væru það úrvalsmenn, ákvað ég að þetta hlyti að vera prýðilegur félagsskapur.“ Hann segist hafa ráðfært sig við Ásu sína og

að hún hafi stutt hann í að stíga þetta skref.

Sveinn var vígður inn í Sankti Jóhannesarstúkuna Rún á Akureyri 3. nóvember 1982. Meðmælendur hans voru Helgi Indriðason og Hilmar Daníelsson.

„Þeir voru báðir góðir vinir mínir og veittu mér góðan stuðning á allan hátt. Helgi er löngu látinn en Hilmar féll frá í fyrra. Ég er þeim þakklátur fyrir að hafa stýrt mér inn á þessa braut og hugsa hlýlega til þeirra.“

Snýst fyrst og fremst um að rækta sjálfan sig

„Ég komst fljótt að því að Frímúrarareglan er mannræktarfélag sem byggir á gömlum gildum og gömlum en traustum grunni. Reglan stendur allt af sér, hún „stendur stuðlabergi lík“ og við getum treyst á hana í ólgusjónum allt um kring. Starfið snýst fyrst og síðast um að vinna í sjálfum sér, rækta sjálfan sig og bæta sig sem manneskja. Engum er vanþörf á því, og svo mikið er víst að hún hefur gert mér gott,“ segir Sveinn.

Hann segir snertifleti Reglunnar svo marga, að svo margt sem tengist starfinu og stúkufundunum sé áhuga-vert. „Ég er alltaf að læra eitthvað nýtt, uppgötva nýja hluti og nýjar hliðar. Ég hef oft sagt að lífshlaupið kennir þér margt sem þú getur ekki „gúgglað“ og það á ekki síst við um það sem við upplifum í Reglunni okkar.“

Sveinn segir að í Frímúrarareglunni séu fulltrúar allra stétta – eins konar þversnið af fólkinu í landinu. „Í stúkunni erum við lausir við allt ytra áreiti og því er það í raun mikil hvíld og endurnæring að sækja fundina. Þó met ég mest af öllu þá vinsemi, virðingu og vinarþel sem endurspeglast í öllum samskiptum okkar bræðranna. Það er algerlega ómetanleg upplifun.“

Byggingameistarinn og bóndinn og...

Við ræðum annað en frímúrarastarfið um stund. Undirritaður vikur talinu að löngum og ótrúlega margslungnum starfsferli Sveins í Kálfskinni. Í því sambandi er textinn af bókarkápu ævisögu Sveins (á næstu opnu) upplýsandi en aðspurður segir Sveinn að byggingameistarinn og bóndinn séu eflaust fyrirferðarmestir sem og allt félagsmálastarfið.



Ljósmynd: Páll A. Pálsson.

Fedgarnir Sveinn E. Jónsson og Jón Ingi Sveinsson uppáklæddir á leið á frímúrararafund.

„Ég var auðvitað bóndi í 40 ár, með hesta, kýr og kindur. Þegar mest var umleikis í Kálfskinni voru 100 gripir í fjósi og framleiðslugetan yfir 200 þúsund lítrar. Ég teiknaði sjálfur húsin yfir allan bústofninn og byggði. Ég stofnaði eigið fyrirtæki í húsasmíði árið 1959, sem varð byggingafyrirtækið Katla árið 1985 og það er enn í

góðum rekstri. Svo fórum við að þreifa fyrir okkur í ferðaþjónustu, stofnuðum Sportferðir og byggðum orlofshús í Ytri-Vík. Svo hef ég rekið eigin hitaveitu í rúm 20 ár, verið í sveitarstjórn og verið sveitarstjóri, brasað í málefnum búnaðarfélaga og ungmennafélaga og verið safnaðarfulltrúi – og þannig mætti lengi telja,“ segir hann.



Forlata hestvagn í eigu Sveins í Kálfskinni hefur oft verið notaður við hátíðlegar athafnir. Hér keyrir Sveinn þáverandi forseta Íslands, Ólaf Ragnar Grímsson, og hans fríða föruneysi, um götur Dalvíkur.



Hjónin Sveinn E. Jónsson og Ása Marinósdóttir á góðri stund.

Hann segir mikla gæfu fölgna í því að synir hans tveir, Jón Ingi og Marinó, hafi tekið við keflinu af „gamla manninum“ og beri nú hitann og þungann af rekstri fjölskyldufyrirtækjanna. „Ég er þeim auðvitað til halds og trausts og innan handar sem „Sendi-Sveinn“ þegar þeir þurfa á mér að halda.“

Þau hjónin eru enn mjög virk í safnaðarstarfinu á Árskógsströnd, í Félagi eldri borgara í Dalvíkurbyggð og Sveinn hefur síðustu árið verið duglegur að aðstoða fyrrverandi fanga við að fóta sig í samfélaginu á ný eftir að þeir hafa tekið út refsingu sína. „Af þeirri reynslu minni held ég að við hvert og eitt gætum á margan hátt hjálpað samborgurum okkar til að finna lífsfyllingu og hamingju ef við réttum þeim hjálparhönd áður en í óefni er komið,“ segir hann um þennan þátt í lífi sínu.

Sveinn er því hvergi nærri sestur í helgan stein, enda „aðeins 86 ára ungur“, eins og hann orðar það sjálfur.

Einstök eiginkona

Sveinn segir að hann hefði aldrei getað gert nema brot af því sem hann hefur komið í verk á lífsleiðinni ef hann hefði ekki alla tíð notið dyggs stuðnings eiginkonu sinnar, Ásu Marinósdóttur.

„Ég á hreint út sagt einstaka konu og hef ekki hugmynd um hvað ég hefði gert án hennar. Það hefði sennilega verið fátt! Ása mín var ljósmóðir, bæði

hér heima og í héraði í 50 ár, ól upp börnin okkar og vasaðist í öllu með mér. Ég held ég hafi ekki verið góður pabbi en ég er mun skárri afi og sennilega frambærilegur langafi,“ segir Sveinn og hlær.

Börnin þeirra Ásu eru fjögur, sem fyrr segir. Jón Ingi, Margrét, Erla Gerður og Marinó Viðar. Barnabörnin eru ellefu og barnabarnabörnin fjögur.

Vináttan stendur upp úr

En aftur að frímúrarastarfinu. Sveinn segist eiga marga góða vini í Reglunni og marga góða kunningja líka.

„Ég bý mig undir frímúrararafund eins og ég sé að fara til messu á sunnudegi. Ég fer í bað og klæði mig upp og held svo í góðra vina hóp í stúkuhúsinu. Við heilsumst og föðmumst við upphaf og lok fundar. Hlýtt handaband að skilnaði og óskinn um að þú njótir góðra stunda fylgja manni svo heim á leið og lengi eftir það.“

Og lokaorð Sveins eru þessi: „Þegar við göngum Reglunni á hönd er mjög mikilvægt að gera það með opnum huga. Reglan hefur svo margt fram að færa, ef við bara gefum okkur tíma til að skilja hvað hún er að segja okkur. Ég hvet alla bræður til að gefa sér góðan tíma til að sækja fundi og sinna starfinu af kostgæfni. Við fáum það allir margfalt borgað til baka!“

Bragi V. Bergmann



Á hestbaki.

Einu sinni yfir strikið!

Fyrir nokkrum árum var undirritaður, ásamt eiginkonunni, á ferð í Kaupmannahöfn. Við vorum í rólegheitum að rölta eftir Strikinu þegar við sáum Svein í Kálfsskinni í hópi góðra vina hinum megin götunnar. Við kölluðum til hans og veifuðum. Hann vatt sér auðvitað snarlega yfir götuna og heilsaði okkur með miklum virktum.

Ári síðar var Sveinn á Jónsmessufundi í Rún. Við bræðramáltíðina voru líflegar umræður og m.a. barst höfsemin í tal. Þá sagði Sveinn eitthvað á þessa leið: „Ég hef aðeins einu sinni á ævinni farið yfir strikið – og Bragi getur vottað það. Hann var viðstaddur og þau hjónin bæði.“ Undirritaður vottaði þessa yfirlýsingu Sveins fúslega.

Svo fylgdi auðvitað skýring frá Sveini á því að strikið væri með stóru S-i, sem sagt aðalverslunargatan í Kaupmannahöfn. Og menn höfðu gaman af.

Þessi litla saga er til marks um góða kímningáfu Sveins og leiftrandi lífsgleði. Hann sér alltaf björtu hliðarnar á lífinu og hendir gaman af sjálfum sér og öðrum á sinn einstaka hátt.



Sveinn E. Jónsson og Ása Marinósdóttir fögnuðu gullbrúðkaupi sínu þann 30. ágúst 2008. Á myndinni eru börnin, tengdabörnin, barnabörnin og barnabarnabörnin öll samankomin, að undanskildum tveimur afkomendum.

Vasast í öllu

Endurminningar Sveins í Kálfsskinni komu út árið 2007. Bókina ritaði Björn Ingólfsson á Grenivík, af alkunnri snilligáfu, og ber hún heitið „Vasast í öllu“. Það er sannarlega titill við hæfi, því leitun er að manni sem hefur komið eins víða við og Sveinn – og látið svo margt gott af sér leiða. Og hann er hvergi hættur enn...

Greinarhöfundur hvetur þá, sem ekki hafa lesið bókina, til að verða sér úti um hana á bókasafninu en bókina er löngu uppseld og illfánleg eftir öðrum leiðum.

Besta leiðin til að gefa fólki örlitla innsýn í litskrúðugt lífshlaup Sveins í Kálfsskinni er að birta óbreyttan textann á bókarkápu ævisögunnar. Hann er svona:

„Sveinn er 75 ára og hefur ennþá hæfileika til að lifa lífinu og undrast og gleðjast yfir því sem hann sér og heyrir; hlakka til þess sem framundan er og njóta þess sem hann hefur séð og lifað og ylja sér við minningar.

Hann segir frá því þegar hann

- var fóðurmeistari á dönskum búgarði og vann með amerískum indíanum á Keflavíkurflugvelli

- var tekinn í landhelgi í Jórdaníu á ólöglegri siglingu á seglbretti

- keyrði vélsleða viðbeinsbrotinn í tvo daga uppi á jökklum

- svaf í svítu á diplómatahótelu í Berlín og lá úti í grenjandi stórhrið, einn og týndur á öræfum Íslands

- ferðaðist út um öll lönd, ók í brynvörðum bíl um Bronx og Harlem og sat á spjalli við þriggja kvenna ættarhöfðingja í Afríku

- gerði út millilandaskip og flutti inn mörg þúsund tonn af timbri

- bjó til bæði flugvöll og stöðuvatn upp á eigin spýtur

- seldi ferðamönnum allt frá slori og fjósalykt upp í þyrfluferðalög

- rak stórbú, stundaði húsbyggingar út um allar sveitir; var í öllum félögum sem hann komst í og á eilífum fundum meðan hann stjórnaði

sveitarfélaginu og sparisjóðnum og vasaðist í öllu en hafði samt tíma til að liggja yfir frimerkjafafninu sínu.“



Sveinn með bókina góðu, „Vasast í öllu“.

„Andlit Reglunnar eru bræðurnir sjálfir, starf þeirra og framkoma“

Eiríkur Finnur Greipsson gegnir fyrstur manna nýstofnuðu embætti Erindreka Reglunnar

Br. Eiríkur Finnur Greipsson R&K er nýskipaður Erindreki Reglunnar (ER) og fyrstur til að gegna því embætti. Tilgangurinn með hinu nýja embætti er meðal annars að auka gagnsæi innan Frímúrarareglunnar á Íslandi með góðu upplýsingaflæði til bræðranna og til að styrkja ímynd Reglunnar meðal almennings og vinna gegn ranghugmyndum um reglustarfið.

– *Hlýtur ekki að vera illa komið fyrir mannræktar- og góðgerðarsamtökum sem þurfa á málsvara að halda?*

– Svo tel ég engan veginn vera, svarar Eiríkur Finnur. Málsvar Reglunnar miðar ekki sérstaklega að því koma mannræktar- eða góðgerðarhlutverkinu á framfæri. Frímúrarareglan er ekki frábrugðin öðrum félagasamtökum að því leyti að breytingar á fjölmörgum þáttum í samfélagi okkar kalla á breytingar þessara samtaka eins og annarra. Við erum í samkeppni um liðsmenn við önnur áþekkt félagasamtök og verðum að laga okkar félagsstarf að breyttu samfélagi, þótt við breytum fundarsíðum okkar ekki.

Kalli tímans svarað

Gegnum tíðina hafa áhangendur öfgahreyfinga ofsótt og rægt frímúrarara, samsæriskenningar hafa verið smíðaðar um þá og þeir sakaðir um að stunda myrkar launhelgar. Þótt aðstæður hafi stundum fyrr á tíð verið ískyggilegar er það núna fyrst sem skipaður er erindreki Reglunnar. Það er ekki vegna þess að Reglan eigi af einhverjum sökum í vök að verjast. Fyrsti erindrekin segir að verið sé að svara kalli tímans.

– Stafræna byltingin, Internetið og

fleiri atriði hafa kallað á breytingar og aðlögun flestra félagasamtaka að nýjum tímum. Þó að fundarsíðir okkar taki ekki miklum breytingum þá kallar þessi þróun vissulega á breytingar á ýmsum þáttum í starfinu og má í því sambandi nefna heimasíðu á netinu, breytingar og aukinn hraða í upp-lýsingaflæði og kröfur um auknið gagnsæi. Einnig má nefna aukna samkeppni um frítíma fólks, breytta fjölskylduhætti og fleira og fleira. Embætti ER er enn eitt dæmið um breytingar á starfsháttum okkar bræðralags gagnvart almenningsi og einnig gagnvart almennu félagsstarfi bræðranna.

Í ársbyrjun 2014 ákvað Stórmeistari Reglunnar (SMR) að ráðast í öflugra stefnumótunarvinnu í tilefni af 100 ára starfi frímúrarara á Íslandi á næsta ári. Sú vinna leiddi af sér fjölmargar tillögur um fjölbreytt atriði í starfsemi Reglunnar, önnur en fundarsíði.

– Niðurstaða öflugrar úrvinnslu færustu sérfræðinga innan Reglunnar á þremur af alls fimmtíu tillögum úr stefnumótunarstarfinu varð sú að Aðsta Ráð ákvað að setja á fót sjálfstætt embætti meðal ædstu embættismanna hennar sem annaðist þetta

starf. Starfið verður tvíþætt, annars vegar felst það í því að vera Staðgengill Ræðismanns Reglunnar; sinna m.a. vitjunum í stúkurnar, og hins vegar nýtt starf sem hlaut nafnið Erindreki Reglunnar, en reikna má með að það verði þungamiðjan í starfinu.

Mannleg samskipti og traust

– *Hvernig muntu nálgast verkefnið? Hvernig muntu haga þínum störfum?*

– Í mínum huga er hér um að ræða mjög yfirgripsmikið starf, enda er lagt upp með það að ER hafi sér til aðstoðar teymi þriggja til fimm bræðra, sva-kallaða fastanefnd, sem hjálpi til við að móta starfið, auk tveggja bræðra úr ÆR, þ.e. YAR og St.R. Þar sem verkefnið eru mörg og mjög stór, þá er nauðsynlegt að forgangsraða þeim, setja niður mælistikur á vegferðinni og meta reglulega ávinninginn af starfinu.

Lífið hefur kennt mér að vera ekki hræddur við að takast á við ný verkefni, þó að menntun mín hafi verið allt önnur en verkefnið mögulega kallar á. Þetta starf er augljóslega ekki eitthvað sem byggingartækniþræðingar læra í skóla, þetta starf verður að stærstum hluta að byggjast á mannlegum samskiptum og trausti milli mín og annarra sem ég mun þurfa að vinna með og eiga samskipti við.

Skólalærdómurinn kenndi mér ekki bókhald, stjórnskipulag, útgerðar, trésmiðju og fleira. Hann kenndi mér heldur ekki að vera sparisjóðsstjóri, formaður í nefndum og félögum, fréttaritari eða forustu- maður í sveitarstjórn í fjölda ára. Ég

er sannfærður um að þau fjölbreyttu störf sem ég hef tekið að mér munu hjálpa mér við að sinna þessu starfi, en reynslan verður síðan að sýna hvort það verður til gagns og árangurs fyrir Regluna og bræðurna. Það má heldur ekki gleyma því að ég mun ekki verða einn um að móta starfið, eins og ég sagði hér fyrr, þótt ég muni vissulega reyna að sinna mínu forustuhlutverki þar.

meðal R&K og bauð mér einfaldlega að taka það að mér. Hvers vegna veit ég ekki – en hitt veit ég að mér brá svo mikið við þetta boð, að það mátti ekki aðeins greina tár á hvarmi, nei, miklu heldur foss á kinn, og ég hreinlega þurfti að bíta í tunguna á mér til að átta mig á að ég var vakandi og í mannheimum þegar samtalið átti sér stað. Ef ég hefði verið spurður um þetta þegar ég gekk í Regluna árið 1985

og ég í góðri vinnu, einstaklega vel giftur og allir þrír synir okkar hjóna búnir að stofna fjölskyldu, þá sagði ég við SMR að ég yrði að fá heimild til að bera það undir eiginkonuna – og svar hans var: „Ef þú hefðir ekki orðað það, þá hefði ég óskað eftir því!“ Þetta er meðal annars til marks um afar ánægjulega breytingu á afstöðu minni og annarra karla til mikilvægis samráðs og samstarfs við maka okkar því að jafnvel „gamlir kallar“ eins og ég hafa tekið sönum.

– Og hvaða svar gaf hún þér?

– Svar eiginkonunnar var reyndar magnað: „Mér heyrir, Eiríkur minn, að ef þetta er eins og þú lýsir því, þá eigir þú nú ekki mikla möguleika á öðru en að taka því!“

– Hver verða fyrstu verkefni?

– Nú er það svo að það eru aðeins nokkrar klukkustundir frá því að ég var settur í embætti, en undirbúningshópurinn hefur vissulega sett sér markmið og ákveðið verklag og efnistöð. Í samræmi við erindisbréf ER, þá hef ég skipað br. Steingrím Sævarr Ólafsson, br. Pétur Jónsson, br. Þór Jónsson og br. Kristín T. Gunnarsson í fastanefnd ER. Á þessum heiðursmönnum hefur meginþungi úrvinnslunnar á tillögum stefnumótunarstarfsins legið. Þeir hafa víðtæka reynslu innan Reglunnar og ekki síður í miðlun upplýsinga og samskiptum við almenning. Við, ásamt YAR og St.R., höfum rætt um að hefja vinnuna á því að eiga viðræður við Stólmeistara og aðra yfirmenn einstakra stúkna. Í framhaldinu munum við hefja viðræður og kynningu á ýmsum þáttum í starfinu við bræður og systur. Ég þarf enn fremur að kynna betur starfsemi einstakra ráða Reglunnar til að geta miðlað réttum upplýsingum til bræðra – og samræmt efnistöð og kynningar til að tryggja að allir vinni að sama markmiði – sem er að tryggja upplýsingamiðlun til bræðranna og styrkja ímynd Reglunnar. Á næsta ári, 100 ára afmæli frímúrarastarfs á Íslandi, mun okkur einnig gefast fjöldi tækifæra til að miðla upplýsingum til almennings um starfsemi þessarar ævagömlu og nafntoguðu Reglu og við verðum að tryggja að þau tækifæri verði vel nýtt.

Auðmjúkur, stoltur og bjartsýnn

Eiginlega á ER að styrkja sjálfstraust bræðranna til að takast á við þann vanda sem fáfræði eða skortur á þekkingu á Reglunni getur valdið en



Ljósmynd: Sigurður Júlíusson.

Foss á kinn

– Hvernig bar það að þegar þér var boðið að taka þetta embætti að þér – og þurftirðu að hugsa þig tvisvar um?

– Ja, það bar nú mjög óvænt að, segir Eiríkur Finnur. SMR boðaði mig á fund sinn á haustmánuðum 2017 og tjáði mér að ÆR hafi ákveðið að stofna til þessa nýja en tvíþætta embættis

hefði ég trúlega sagt strax já, bæði óragur, jafnvel frakkur og metnaðarfullur, og svo ekki síður vegna þess að á þeim tíma var feðraveldið svo sterkt að ég hefði trúlega ekki látið eiginkonu mína vita fyrir en eftir að ég hefði tekið þetta að mér! Í fullri auðmýkt og einlægni er að sjálfsgöðu ekki auðvelt að hafna svona boði, en núna orðinn tæplega 65 ára og vitandi að þetta er gífurlega stórt verkefni og vandasamt



Ljósmynd: Sigurður Júlíusson.

þó þannig að nauðsynlegur trúnaður sé virtur. Hann er ráðgjafi um upplýsinga- og samskiptamál, jafnt inn á við sem út á við, og upplýsir hvað Frímúrarareglan stendur fyrir og um gildi hennar svo að almenningur fái heiðarlega og upplýsandi mynd af starfseminni.

– *Má segja að þú verðir andlit Reglunnar, að minnsta kosti út á við?*

– Vissulega er það svo að gagnvart almenningi, þá er andlit hennar ekkert annað en bræðurnir sjálfir, starf þeirra og framkoma við annað fólk.

Eiríki Finni finnst spurningar Frímúrarans að sumu leyti krefjandi.

– Ég er og verð engin undantekning frá því sem við á um aðra bræður, þó að trúlega geti borið meira á mér; að minnsta kosti stundum. Ég vil trúá því að það eigi ekki að þurfa að kalla á breytingar á framkomu minni né lífsháttum. Ég er lífsglaður kristinn maður sem hef mikinn áhuga á mannlegum samskiptum og reyni að koma vel fram við allt fólk og gefa af sjálfum mér. Ég er vissulega langt frá því að vera fullkominn, en starfið innan Reglunnar hefur meðal annars kennt mér að ég þarf að aga minn innri mann og reyna að bæta samfélagið með bættum jákvæðum samskiptum við annað fólk. Ég hef mætt svo miklum velvilja og jákvæðni allra bræðra og ekki hvað síst æðstu embættismanna eftir að það var tilkynnt að ég hafi þegið boðið um

þetta starf að ég get ekki annað en verið auðmjúkur en jafnframt stoltur og fullur hjartsýni fyrir því starfi sem nú er ýtt úr vör.

„... eins og ónumið, heillandi svið“

– *Hvað finnst þér almennt um að opna Regluna og auka gagnsæi?*

– Eðli og starf hennar er í sjálfu sér mjög opið – en stór hluti samfélagsins gerir sér hugmyndir um allt annað. Því þurfum við að reyna að breyta. Við viljum halda þann trúnað í heiðri sem ríkir um fundarsíði okkar, en starf okkar samtaka er á flesta aðra lund mjög áþekkt fjölmörgum öðrum líkna- og mannræktarfélagum. Reglan lýtur íslenskum yfirvöldum og lögum, enda væri hún tæplega jafnöflug og hún er ef sú væri ekki raunin.

Menn eins og Sveinn Björnsson og Ásgeir Ásgeirsson, fyrstu tveir forsetar okkar lýðveldis, hafa verið æðstu yfirmenn Reglunnar og núverandi yfirmaður hennar er heiðursmaðurinn Valur Valsson. Marga fleiri er unnt að nefna til leiks. Bræður innan íslensku Reglunnar hafa fulla ástæðu og rétt til að vera stoltir af því að tilheyra þessum félagsskap. Yfir 3.500 bræður eru innan Reglunnar og ekkert leyndarmál hverjir eru félagar í henni.

– *Hvernig líður þér persónulega með að takast þetta verk og þessa ábyrgð á hendur?*

– Í stuttu máli sagt þá líður mér mjög vel, viðurkenni að ég er frekar spenntur og fer flest kvöld að sofa hugsandi um hvernig ég geti sinnt þessu starfi sem best. Ég hef mikinn metnað gagnvart því að standa mig „í stykkinu“ en eins og ég sagði hér að framan þá eru með mér í starfinu miklir öndvegismenn og reynsluboltar og því er engu að kvíða. Verkefnið er stórt, jafnvel flókið, en ég hef tekist á við mjög erfiða hluti í lífinu og er mjög sáttur, auðvitað orðið á mistök en trúi að ég hafi nýtt mér þau til að standa mig betur við ný verkefni.

Mig langar reyndar að svara þessari spurningu að endingu með fyrsta erindinu úr kvæðinu „Mánudagsmorgunn“ eftir fyrrum sveitunga minn og heiðursmann Guðmund Inga Kristjánsson frá Kirkjubóli, en ljóðið lýsir nokkuð líðan minni og hefur verið mér leiðarstef í fjölda ára:

Ég er glaður á mánudagsmorgni við hin margbreyttu verkefni hans, þegar athöfnin örvar og styrkir; þá er árdegi starfandi manns. Þegar hátíð er liðin og helgi tek ég hugreifur störfunum við meðan vikan er öll fyrir augum eins og ónumið, heillandi svið.

Frímúrarasjóðurinn styrkir gerð gagnagrunns um taugahrönnunarsjúkdóma á Íslandi

Í byrjun verður lögð áhersla á gagnagrunn um Parkinson sjúklinga

Stjórn Frímúrarasjóðsins undirbýr nú mikið verkefni sem lýtur að gerð gagna-grunns um alla Parkinson sjúkl- inga á Íslandi, en eins og greint var frá í haustblaði Frímúrarans (2. tbl., 13. árg., nóvember 2017) er sjóðnum ætlað það hlutverk að styðja við brýn góð- gerðarverkefni utan Reglunnar. Þar segir að tilgangur sjóðsins sé „... að styrkja stofnanir, félög og einstaklinga sem hafa skarað fram úr í mannúðar- eða menningarmálum á Íslandi, að veita styrki eða heiðursgjafir þeim stofnunum, félögum eða einstaklingum sem vinna afrek í vísindum eða fræðslu, er stuðlað geta að hagsbótum fyrir bágstadda, þjáða eða sjúka.“ Enn- fremur að „... sjóðurinn taki að sér að kosta ákveðin, afmörkuð verkefni í líknar- eða mannúðarmálum, sem aðrir hafa ekki sérstaklega á verkefnaskrá sinni.“

Um leið og sjónum er nú beint að gerð gagnagrunns um taugahrönnunarsjúkdóma er haldið áfram að styrkja önnur verkefni, sem nefnd voru í haustblaðinu. Þar ber ekki síst að nefna áframhaldandi þátttöku í þróun greiningartækis til að meta þarfir eldra fólks sem leitar til bráðamóttöku, t.d. vegna slyss eða veikinda.

Sem fyrr segir er athyglinni nú beint að þróun og gerð gagnagrunns fyrir taugasjúkdóma, en mikil og brýn þörf er fyrir slíkan gagnagrunn sem gerir læknum kleift að bera saman tilfelli sjúkdóma, þróun þeirra og árangur meðferðar. Slíkur gagna- grunnur er ekki til nú. Byrjað verður á gagnagrunni um Parkinson sjúk- dóminn.

Nánar um verkefnið og Parkinson sjúkdóminn

Parkinson sjúkdómur er langvinnur taugahrönnunarsjúkdómur sem hefur í fyrstu mest áhrif á hreyffærni ein- staklinga og einkenni eru upphaflega vel meðhöndlanleg með lyfjum. Eftir

því sem árin færast yfir verða hreyfi- einkenni flóknari og önnur einkenni sem eru ótengd hreyfikerfinu verða meira áberandi svo sem þunglyndi, kvíði, vitræn skerðing og einkenni frá ósjálfráða taugakerfinu þannig að einstaklingar þurfa þá meiri og fjölpættari aðstoð. Algengi og tíðni Parkinson sjúkdóms á Íslandi hefur ekki verið rannsakað sérstaklega.

Ljóst er að mikið verk er fram- undan í að byggja upp sem öflugasta og besta þjónustu fyrir einstaklinga með Parkinson sjúkdóm á Íslandi



Ljósmynd: Guðmundur Viðarsson.

Gagnagrunnar

Stefnt er að því að undirbúa gagna- grunn fyrir alla taugahrönnunarsjúk- dóma og sjúklinga með slíka sjúkdóma á Íslandi en í þessum áfanga verður lögð áhersla á gagnagrunn um Parkinson sjúklinga.

Í þessu rannsóknarverkefni verður stefnt að því að undirbúinn verði gagnagrunnur þar sem verði unnt að skrá alla sjúklinga sem eru veikir af Parkinson taugasjúkdómi og nái til alls landins.

Önnur verkefni tengd Parkinson sjúkdómi

Samhliða því að unnið verði að gagnagrunni verði önnur verkefni tengd þessum sjúkdómi skoðuð nánar.

Djúpkjarna raförvun (e. *Deep*

brain stimulation), hefur verið rædd í þessu sambandi.

Önnur verkefni hafa komið til um- ræðu án þess að nokkur ákvörðun hafi verið tekin um þau.

a) Kvarðar til að meta einstaklinga með Parkinson sjúkdóm.

b) Kerfisbundin eftirfylgni þeirra sem hafa fengið djúpkjarna raförvun.

c) Erfðarannsóknir, t.d. hugsan- legir erfðapættir sem geta aukið áhættuna á að einstaklingar myndi með sér Parkinson sjúkdóm.

d) Önnur verkefni.

Niðurstaða um verkefnið og umfang þess liggur væntanlega fyrir á næstunni.

Áætlun um verkefni sjóðsins er til ársins 2021 og er því gert ráð fyrir að verja alls um 50 milljónum króna til verkefna sjóðsins, stærstum hlutanum í gagnagrunnsverkefnið en einnig góðum skerf til líknarmála og til aldraðra eins og fyrr var getið.

Framfaramál

Gagnagrunnur sá, sem stefnt er á að Frímúrarasjóðurinn styðji við að gera, er brýnt framfaramál. Mikill metnaður felst í að ráðast í þetta víða- mikla verkefni og er vel við hæfi að byrja á Parkinson sjúkdómnum. Meðal þeirra taugasjúkdóma, sem væntan- lega fylgja þegar umfang verkefnisins eykst og bætt verður við gagna- grunninn, má nefna MND, MS og fleiri. Þessir sjúkdómar eru illvígir og lítil, jafnvel engin, lækning þekkt við þeim.

Gagnagrunnur eins og Frímúraras- sjóðurinn hyggst styðja við að verði gerður mun því auka þekkingu á sjúkdómunum, algengi þeirra, árangri hinna ýmsu meðferðarúræða og lyfja og ekki hvað síst auka öryggi grein- ingar á sjúkdómunum. Allt getur þetta stuðlað að meiri lífsgæðum þeirra sem greinast með þessa sjúkdóma og aðstandenda þeirra.

Akur á Akranesi

Akur á Akranesi 45 ára

Á hátíðar- og veislufundi St. Jóh.stúkunnar Akurs þann 16. mars 2018 var þess minnst að stofnfundur hennar var þann 25. mars 1973, eða fyrir fjórutíu og fimm árum. Fundinn sóttu 110 bræður og var töluvert um gesti. Á fundinum voru tveir Akursbræður sæmdir heiðursmerki Akurs, þeir Erling Þór Pálsson (IX^o) og Hlynur Sigurdórsson (VIII^o). Á fundinum færði br. Gísli S. Einarsson, söngstjóri Akurs, stúkunni að gjöf lagið „Í stúkusalnum“ sem hann hafði samið og Akurskórinn frumflutti í stúkusalnum.

Þann 5. mars 2018 var kosinn nýr Stólmeistari Akurs, br. Sæmundur Víglundsson, sem tók við embætti af br. Ólafi Rúnari Guðjónssyni á innsetningarfundi þann 8. apríl.

Mikil samheldni og gróska er í starfi Akurs nú sem endranær og ekki þarf að kvarta yfir nýliðun. Undanfarin ár hefur inntökukvótinn verið fullnýttur og næsti vetur er nánast bókaður.

Viðbygging og lyfta

Upp úr 2010 var gott aðgengi fyrirferðarmikið í umræðu, þegar talað var um húsnæðismál. Akursbræður vissu vel um brýna nauðsyn þess að koma fyrir lyftu í húsi sínu. Fyrir um fimm árum hófst teiknivinna

og skipulagning og nokkrir möguleikar voru skoðaðir, eins og að byggja stíga-hús með lyftu eða byggja aðeins lyftu-stokk. Ofan á varð sú hugmynd að byggja við húsið ríflega 70 m² á þremur hæðum. Reyndar voru kvaðir skipulagsins þannig, að byggja þyrfti eins upp allar hæðirnar. Árin 2015 og 2016 fóru í undirbúning og um tíma takmarkaði gildandi deiliskipulag stærð viðbyggingarinnar. Eftir að vilyrði

fékkst frá byggingayfirvöldum á Akranesi um framkvæmdina var ráðist í gerð kostnaðaráætlunar. Hún byggðist á miklu vinnuframlagi bræðranna og í framhaldi voru fengin leyfi frá ráðum Reglunnar varðandi fjármögnun. Fram yfir mitt ár 2016 var unnið við lokafrágang undirbúnings svo sem við byggingarleyfi og tilboð í eitt og annað. Samið var við Akursbræður hjá Loftorku í Borgarnesi um að reisa



Gísli Einarsson, söngstjóri Akurs, færði stúkunni lag sitt „Í stúkusalnum“ og Ólafur Rúnar Guðjónsson, Stólmeistari Akurs, tók við gjöfinni.



Við svona tækifæri er að sjálfsögðu stillt upp í myndatöku.

Akur á Akranesi

útveggi viðbyggingarinnar úr forsteyptum einingum.

Á haustmánuðum 2016 hófust verklegar framkvæmdir, grunnur var grafinn og skipt um jarðveg. Áður en stúkustarfið hófst um haustið hafði húsið verið reist og fyrir áramót höfðu Akursbræður sagað þau göt sem saga þurfti og lokað byggingunni með þaki, ísettum gluggum og útihurð.

Á árinu 2017 var unnið að uppsetningu lyftu og breytingum á þriðju hæð hússins. Þar voru fjarlægðir veggir, ný loftklæðning sett upp og gólfefni lögð. Lyftan var tekin í notkun á Systrakvöldinu í byrjun nóvember, það var mikið ánægjuefni. Viðbótarframkvæmdirnar voru ekki allar á áætlan, en reyndust nauðsynlegar, þegar betur var skoðað.

Á nýbyrjuðu ári hefur verið unnið við málun nýbyggingar. Um leið og sól hækkar á lofti, verður húsið klætt að utan og nýtt skyggni reist. Framkvæmdum við nýbygginguna mun ljúka á þessu ári.

Ferðanefnd Akurs

Fjórir bræður skipa öfluga ferðanefnd, sem tók til starfa haustið 2016 og hafði það hlutverk, að skipuleggja ferðir bræðra og systra, innan- og utanlands.

Á Reykjanesi er margt að sjá og gott aðgengi. Þangað var farið í dagsferð 13. maí 2017. Í ferðina fóru 71 bróðir og systur. Með hópnum allan tímann var fararstjóri, sem fór vel yfir sögu Reykjanes. Bræður úr Keflavík veittu aðstoð, Albert Albertsson leiddi fólk í allan sannleika um starfsemi HS orku og fleiri fyrirtækja á svæðinu. Einnig var notið aðstoðar feðganna úr Skólamat ehf., þeirra Axels Jónssonar og br. Jón Axelssonar.

Nú í vor verður farið í skipulagða ferð til Þýskalands, sem 74 bræður og systur hafa skráð sig í. Áfangastaðurinn er Frankfurt dagana 18.-22. apríl Þar heimsækja bræðurnir stúkuna St. Jean „wilhelm zur unsterblichkeit“ („wilhelm to immortality“) og fara á fund. Á meðan fara systurnar í fjögurra rétta veislu og á sirkussýningu. Síðar verður gengið um Frankfurt undir leiðsögn br. Knut Schwieger og fræðst um byggingar og sögu borgarinnar, einnig farið um Rínardalinn í dagsferð með leiðsögn.

Ágrip af sögu Akurs

Fyrstu frímúrararnir á Akranesi voru þeir mágarnir Sigurður Vigfússon og Kristófer Eggertsson, en þeir gengu í Eddu í lok ársins 1932. Jóhannes Reindal bakari var danskur frímúrari en lítið virkur. Kristófer fluttist burtu árið eftir að hann gekk í Regluna, svo að Sigurður var næstum tvo áratugi eini starfandi frímúrarinn á Akranesi.

Hinn 10. apríl 1951 gekk svo Ingólfur Jónsson í Eddu og ári síðar Sveinn Finnsson, er þá var bæjarstjóri á Akranesi. Í desember 1952 gekk Þorvaldur Þorvaldsson í Eddu, en stuttu síðar fluttist Sveinn Finnsson burtu.

Í maí 1956 gengu þrír Akurnesingar í Eddu á einum fundi, þeir Niels R. Finsen, Njáll Þórðarson og Jón Árnason. Voru þá frímúrarar orðnir sex á Akranesi. En í maí 1958 gengu sex bræður inn á tveimur fundum, þeir Lárus B. Árnason, Óli Örn Ólafsson, Alfred H. Einarsson, Guðmundur Sveinbjörnsson, Jón Ben Ásmundsson og Stefán Bjarnason.

Þegar bræðurnir voru orðnir tólf að tölu hittust þeir stöku sinnum og fóru stundum allmargir saman á fundi suður. Var nú farið að ræða í alvöru um einhverja félagsstofnun hér á Akranesi. Enn bættust tveir bræður við í maí 1961, þeir Pálmi Sveinsson og Jóhannes Finnsson.

Um þetta leyti var haldinn fundur í húsakynnum Sementsverksmiðju ríkisins og voru þar mættir m.a. Vilhjálmur Þór, Víglundur Möller, Guðmundur Hlíðdal o.fl. Því miður er ekki til skráð fundargerð frá þessum fundi, en þar var rætt um að reyna að skapa Reglunni starfsgrundvöll á Akranesi.

Í janúar 1962 bættust í hópinn Knútur Ármann og Helgi Daníelsson og vorið 1963 fluttist Jón Eiríksson til Akraness. Snemma árs 1963 tilkynnti S.M.R. Ásgeir Ásgeirsson að stofna skyldi Bræðrafélag á Akranesi 28. maí, og skyldi Magnús Guðmundsson, prófastur í Ólafsvík, veita því forstöðu, en hann gekk í Eddu í júlí 1948.

Bræðrafélagið Akur

Stofnfundur Bræðrafélagsins Akurs var svo haldinn í húsnæði Sementsverksmiðju ríkisins hinn 28. maí 1963.

Nafn Bræðrafélagsins var samkvæmt uppástungu Magnúsar Guðmundssonar: Stm. Eddu, Sveinn Kaaber, stofnaði Bræðrafélagið en ásamt honum voru mættir frá Eddu þeir Helgi Briem, Jóhannes S. Jónsson, Erlingur Þorsteinsson, Sigurður Sigurgeirsson og Zophonías Pétursson.

Stofnendur Bræðrafélagsins Akurs voru þessir bræður:

Magnús Guðmundsson VIII
 Ásgeir Sigurðsson VIII
 Sigurður Vigfússon VII
 Guðmundur Sveinsson VI
 Þorvaldur Þorvaldsson IV/V
 Guðmundur Sveinbjörnsson IV/V
 Lárus Árnason IV/V
 Jón Árnason IV/V
 Ingólfur Jónsson III
 Niels R. Finsen III
 Óli Örn Ólafsson III
 Jón Eiríksson III
 Friðrik Þórðarson III
 Jón Ben Ásmundsson III
 Alfred H. Einarsson III
 Jóhannes Finnsson III
 Pálmi Sveinsson II
 Stefán Bjarnason I
 Helgi Daníelsson I
 Knútur Ármann I

Fyrstu árin og húsnæðið

Fyrsta árið var starfað í húsakynnum Sementsverksmiðju ríkisins og kom séra Magnús jafnan úr Reykjavík, en hann var þá fluttur þangað. Flutti hann bræðrunum ýmsan fróðleik, enda var hann mjög fróður um táknaál Reglunnar. Fyrsta starfsárið voru haldnir sjö fundir.

Brátt kom í ljós, að ekki var unnt að starfa í þessu húsnæði til frambúðar og fengu þá bræðurnir inni í Félagsheimili templara, og héldu þar fundi í eitt ár. Fyrsti fundurinn þar var fyrsti afmælisfundurinn 28. maí 1964. Sagði þá séra Magnús af sér formennsku, sökum anna og þess að hann bjó í Reykjavík. Var nú kosinn formaður Þorvaldur Þorvaldsson og var hann formaður Bræðrafélagsins upp frá því.

Annað árið, 1964-1965, voru haldnir átta fundir og þriðja árið, 1965-1966, átta fundir. Á þriðja ári félagsins fengu bræðurnir afnot af íbúðarhæð að

Akur á Akranesi

Suðurgötu 106B gegn því að þeir standsettu hana. Var gengið í að lagfæra íbúðina, rifnir niður tveir veggir, og fékkst þarna lítill stúkusalur 3,80×8,00 m og borðsalur álíka stór, ásamt einu herbergi, snyrtingu, ein-kennageymslu og skjalageymslu. Salurinn var vígður af Stm. Eddu, Sveini Kaaber, á afmælisfundi 28. maí 1965 og voru fundir haldnir þar samfelld þar til á jólafundi 1971. Þá voru ljósin borin út úr þeim sal í fundarlok og húsið rýmt um áramótin.

Að loknum fundi í Bræðrafélaginu 13. febrúar 1967 var settur umræðufundur um húsnæðismál framtíðarinnar. Var sérstaklega tekið fram í fundarboði að rætt yrði um þetta mál að loknum fundi. Fyrir fundinum lá tilboð um að kaupa rétt til að byggja hæð ofan á húsið að Stillholti 14, en það er 430 fermetrar að gólfleti. Nokkrar umræður urðu um málið, en við atkvæðagreiðslu var samþykkt með yfirgnæfandi meirihluta atkvæða að ráðast í kaupin.

Br. Sigmundur Halldórsson teiknaði aðstöðu fyrir starfið inn í þetta litla hús. Var síðan kosin byggingarnefnd til að annast samninga um verkið. Í nefndina voru kosnir Hallgrímur Árnason, Ingólfur Jónsson og Sigurður G. Sigurðsson. Haustið 1967 var húsið steipt upp af Gunnlaugi Jónssyni trésmíðameistara og reisugilli var 23. september að Suðurgötu 106B.

Fræðslustúkan stofnuð

Hinn 10. febrúar 1968 var Fræðslustúkan Akur stofnuð og tók hún við af Bræðrafélaginu. Stofnendur voru 36. Fyrir hönd stúkuráðs var mættur Bjarni R. Jónasson og las hann upp stofnskrána, en auk hans voru mættir Stm. Eddu, Sveinn Kaaber, Stefán Thordarsen, Óli Pálsson, Sören Jónsson og Eggert Guðmundsson.

Sveinn Kaaber vígði Þorvald Þorvaldsson sem Stjórnandi bróður fræðslustúkunnar.

Embættismenn fræðslustúkunnar
Stj.br. Þorvaldur Þorvaldsson
V.Stj.br. Guðmundur Sveinbjörnsson
E.v.br. Ingólfur Jónsson
Y.v.br. Óli Örn Ólafsson
Sv. Lárus B. Árnason
R. Björn H. Björnsson
Fh. Niels R. Finsen

Frá stofnfundi til áramóta 1971 var haldinn 41 fundur í húsnæðinu í Suðurgötu. Hafist var handa við að ljúka stúkusalnum að Stillholti 14 og var hann vígður 25. mars 1972. SMR Ásgeir Ásgeirsson lagði hornstein að byggingunni og hélt móðurstúkan Edda fund í salnum. Á þeim fundi var Kristján Fjeldsted frá Ferjukoti vígður inn í Regluna.

St. Jóhannesarstúkan Akur stofnuð

Nú var komin aðstaða fyrir fullkomna stúku og var þegar farið að undirbúa stofnun hennar af kappi. Þó dróst af ýmsum ástæðum að af því yrði, og var ákveðið að stofndagur stúkunnar yrði hinn sami og vígsludagur hússins, þ.e. 25. mars 1973, sem

Stofnendur stúkunnar voru 50. Merki stúkunnar er þrjú tákn á ferningslöguduðum reit, þrjú kornöx, hornmát og hringfari og gotneska rúnin Jahr. Var hönnun þess að mestu verk bræðranna Gunnars Bjarnasonar og Jóns Eiríkssonar en Garðar Óskarsson teiknaði það og útfærði. Kjörorð stúkunnar er „Akur skal erja“ sem er valið samkvæmt tillögu br. Magnúsar Guðmundssonar. Meðal annarra merkisatburða í sögu Akurs eru að sjálf-sögðu stofnun Fræðslustúkunnar Borgar í Stykkishólmi þann 21. október 1979 og Bræðrafélagsins Borgar þann 9. janúar 1988. Einnig var það merkur áfangi þegar Akursbræður festu kaup á íbúð á annari hæð hússins að Stillholti 14 árið 1995. Strax að



Stólmeistarar Akurs, núverandi og fyrrverandi, á afmælisfundinum. Frá vinstri: Karl Alfreðsson, Skúli Lýðsson, Sæmundur Víglundsson, nýkjörinn Stólmeistari, Ólafur Rúnar Guðjónsson og Gunnar Ólafsson.

þá bar upp á sunnudag. Til stúkuvígslunnar mættu rúmlega eitt hundrað bræður. SMR Valdimar Stefánsson framkvæmdi vígsluna.

Fyrstu embættismenn voru þessir:
Stm. Þorvaldur Þorvaldsson
V.Stm. Sigurður Vigfússon
E.Stv. Guðmundur Sveinsson
Y.Stv. Gunnar Bjarnason
Km. Jón Eiríksson
R. Óli Örn Ólafsson
Sm. Björn H. Björnsson
Fh. Niels R. Finsen
L. Hallgrímur V. Árnason
S. Bjarni Aðalsteinsson

afloknum lokafundi var hafist handa við að breyta húsnæðinu úr íbúðarhúsnæði í það horf sem það er nú, bræðrastofa, bókasafn og salernis-aðstaða fyrir bæði kyn. Tók verkið um tvö ár. Aðalinngangur hússins var einnig færður frá norðurhlíð hússins á vesturgafli þess. Við þessa aðgerð losnaði um það rými sem myndaðist við að brjóta niður stigann í gamla innganginum. Stúkan seldi rýmið og fékk svölitið fé fyrir sem nýttist vel í endurbæturnar. Og bræðrunum tókst að ljúka nauðsynlegum breytingum fyrir 25 ára afmælisfund Akurs þann 25. mars 1998. Þann 5. október árið 2001

Akur á Akranesi

var nýr og glæsilegur stúkusalur vígður af SMR Sigurði Erni Einarssyni.

Þann 7. október var hornsteinn lagður að húsinu af SMR Sigurði Erni Einarssyni ásamt mörgum af æðstu embættismönnum Reglunnar. Athöfnin var sérstök að því leyti að eiginkonum bræðranna var boðið að vera viðstaddir við hornsteinslögninguna og er talið að það sé einsdæmi í sögu Frímúrarareglunnar.

Stólmeistarar frá upphafi

Frá stofnun St. Jóh.st. Akurs hafa eftirtaldir bræður verið Stólmeistarar:

| | |
|-------------------------|-----------|
| Þorvaldur Þorvaldsson | 1973-1978 |
| Jón Eiríksson | 1978-1981 |
| Gunnar Bjarnason | 1981-1984 |
| Baldur Eiríksson | 1984-1988 |
| Svanur Geirdal | 1988-1996 |
| Skúli Lýðsson | 1996-2002 |
| Gunnar Ólafsson | 2002-2008 |
| Karl Alfreðsson | 2008-2013 |
| Ólafur Rúnar Guðjónsson | 2013-2018 |
| Sæmundur Víglundsson | 2018- |

Nýr Stólmeistari Akurs



Sæmundur Víglundsson.

Þann 5. mars sl. fór fram Stólmeistararakjör í St. Jóh.stúkunninni Akri á Akranesi. Kjörinn var br. Sæmundur Víglundsson og var hann settur í

embættið af SMR Vali Valssyni þann 9. apríl.

Sæmundur er fæddur á Akranesi 17. október 1957, sonur hjónanna Víglundar Elíssonar og Unnar Þórdísar Sæmundsdóttur.

Sæmundur lauk sveinsprófi í pípu-lögnum frá Fjölbrautaskóla Vesturlands 1990 og prófi í byggingartækni-fræði frá Tækniskóla Íslands 1997.

Hann var sjómaður um nokkurra ára skeið, en árið 1985 hóf hann nám í pípu-lögnum hjá Pípu-lögnum Karvels á Akranesi. Eftir að námi í tæknifræði lauk starfaði Sæmundur m.a. hjá Hönnun hf. og Akraneskaupstað og undanfarin 10 ár hjá Borgarverk ehf. og starfar þar enn.

Sæmundur gekk í St. Jóh.stúkuna Akur árið 2002 og hefur gegnt embættum v.Sm. 2006-2012, Sm. 2012-2016 og Vm. 2016-2018.

Sæmundur er kvæntur Valdísi Ingu Valgarðsdóttur, starfsmanni Íslandsbanka á Akranesi og eiga þau tvö börn og sex barnabörn.



Grand Hótel Reykjavík, stærsta funda- og ráðstefnuhótel Íslands

Grand Hótel Reykjavík hýsir fjölda viðburða, meðal annars ráðstefnur og sýningar, fyrirtækjaviðburði, stóra sem smáa fundi, verðlaunaafhendingar, fyrirlestra og fleira.

Salirnir henta einnig vel fyrir brúðkaup, samsæti, ættarmót, erfidrykkjur, móttökur eða aðrar veislur. Öll aðstaða og þjónusta er fyrsta flokks.

Grand Hótel Reykjavík er staðsett í rólegu umhverfi rétt við Laugardalinn.

Hafðu samband og við aðstoðum þig við að gera þinn viðburð, eins og þú vilt hafa hann.



Skjalasafn Reglunnar

Tvær frímúraraferðir og björgun úr Tjörninni

Á Jónsmessudag 1918 hélt St. Jóh. fræðslustúkan í Reykjavík þrettánda fund sinn og segir þá í fundargerð¹ að daginn áður hafi nokkrir bræður lagt blómsveig á leiði Gríms Thomsens (1820-1896) í Bessastaðakirkjugarði. Í skjalasafni Reglunnar er kvittun frá Jensínu Árnadóttur í Hafnarfirði vegna blómsveigs sem „Frímúrara-fjelag Reykjavíkur“ keypti 23. júní 1918.²

Í Morgunblaðinu 25. júní 1918³ er heldur ítarlegri frásögn af þessari frímúraraferð:

„Sveigur á leiði Gríms Thomsens

Í fyrradag fóru Frímúraran Reykjavíkur í skemtiferð hér um nær-sveitirnar. Ríðu fyrst inn að Elliðaám, þaðan yfir á Hafnafjarðarveg og borð-uðu síðan morgunverð á „Hótel Hafnarfjörður“. Þaðan var haldið fram á Álftanes, til Bessastaða. Lögðu þeir þar blómsveig á leiði Gríms Thomsens sem grafinn var í kirkjugarði Bessa-

| 1918 | Alb. af | kr. | sk. |
|------|------------------------|-------|-------|
| 1/2 | Blómsveig 1/2 | 8.19 | |
| | 1/2 | 5.04 | |
| | 2 ^{de} do 1/4 | 3.14 | |
| | | 16.37 | |
| | | | 63.37 |

Reikningur
Guðrún Helgadóttir

Kvittun Guðrúnar Helgadóttur.

Ljósmynd: Skjalasafn Reglunnar

| 1918 | Alb. af | kr. | sk. |
|------|---------------|-------|-------|
| 23 | Blómsveig 1/2 | 10.00 | |
| | Björgun | 5.00 | |
| | | | 15.00 |

Reikningur
Jensína Árnadóttir

Ljósmynd: Skjalasafn Reglunnar

Kvittun Jensínu Árnadóttur.

staða. En Grímur Thomsen var Frímúrari, vafalaust Íslands fyrsti Frímúrari. Sveigurinn var stór og fagur; alþakinn lifandi rósum.

Frímúraran munu vera alls um fimmtán hér í bæ. Hafa þeir samkomusali í húsi Natan og Olsens á efstu hæð, og halda þar jafnan vikulega fundi.“

Blómsveigur á leiði ekkjunnar

Nokkrum mánuðum síðar var tilefni til annar ferðar á Álftanes. Ekkja Gríms Thomsen, Jakobína Jónsdóttir Thomsen, dó 83 ára 30. janúar 1919 og var jörðuð við hlið Gríms í Bessastaðakirkjugarði 8. febrúar. Stúkan Edda greiddi frá Guðrúnu Helgadóttur fyrir tvo blómsveiga samkvæmt áritun Ludvigs Kaaber 12. febrúar 1919 (misritað 5918212).⁴

Ekki er líklegt að stúkan Edda hafi sent tvo blómsveiga og ekki verður

heldur talið sennilegt að stúkan hafi kostað kransa fyrir einkaaðila. Ég get mér þess til að Guðrún Helgadóttir hafi gert annan kransinn fyrir ættingja eða vini frá Jakobínu og er þá nærtækt að giska á Kristján Jónsson dómstjóra, systurson Jakobínu, en Kristján auglýsti útför hennar í Vísi 4. febrúar 1919.⁵

Nokkrir frímúraranar lögðu af stað frá Reykjavík til að vera við jarðarförina. Sagt er frá þeirri ferð í Vísi 9. febrúar 1919:⁶

„Í bifreið útaf Kópavogsbrúnni

Þeir Matthías Einarsson læknir, Arent Claessen heildsali og Sveinn Björnsson yfirdómslögmaður ætluðu suður í Hafnarfjörð⁷ í bifreið, en þegar bifreiðin var að fara út á Kópavogsbrúna, kom svo snögt vindkast á hana, að hún steyptist út af og á kaf niður í sjóinn.

Bifreiðin var lokuð, og hefur vindurinn því náð betri tókum á henni. En þess vegna voru farþegarnir líka illa settir, er þeir voru komnir á kaf í sjóinn inniluktir í henni. Tóku þeir þegar að reyna að komast út og hafði Matthíasi nær tekist að rífa sig úr bifreiðinni, er þeim kom hjálp að utan. Önnur bifreið hafði verið rétt á eftir þeim og í henni voru þeir Egill Jacobsen kaupmaður og Magnús Sigurðsson bankastjóri, en Kristján Siggeirsson stýrði. Tókst þeim brátt að ná hinum upp úr og óku þeim sem hraðast mátti hingað til bæjarins í sinni bifreið.

Þó að furðulegt megi heita, hlaut engin nein veruleg meiðsl af þessu slysi. Karl Moritz bifreiðarstjóri sem stýrði bifreiðinni sem út af fór, hafði þó kvartað um verk í síðunni. En farþegarnir þrír kendu sér einskis meins, þegar upp kom, nema kulda.“

Samkvæmt upplýsingum frá Veðurstofu Íslands var rigning og hitastig 7,8 stig í Reykjavík kl. 13 þennan dag. Vindur var suð-suðaustan sjö vindstig, sem telst allhvass vindur og samsvarar 13,9-17 metrum á sekúndu.⁸

Sama dag er önnur frétt í Vísi:⁹

„Maður í Tjörninni

Um kl. 2 í gær heyrðu menn, sem staddir voru hjá Iðnaðarmannahúsinu, kallað á hjálp sunnan af Tjörninni og sáu þá, hvar maður var að brjótast um í vök suður í Tjarnarenda. Hlupu þeir

þá suður Tjörnina þrír eða fjórir saman (einn þeirra var Steindór Gunnarsson prentsmiðjustj.), en þegar suður fyrir garðinn kom; sáu þeir, að autt var kringum manninn, svo að þeir náðu ekki til hans. En í þessum svifum komu þeir þangað Egill Jacobsen kaupm. og Matthías Einarsson læknir; sem þá var kominn úr svaðilför sinni suður í Kópavog, sem sagt er frá á öðrum stað. Höfðu þeir verið heima á Staðarstað hjá Sveini Björnssyni, séð þaðan hvað um var að vera og haft með sér reipi og stöng, til að rétta manninum, og drógu hann nú upp úr Tjörninni. Maðurinn var allþjakaður og var því fluttur heim að Staðarstað¹⁰ og honum hjúkrað þar.“

Samantekt

Hér er sagt frá tveim harla ólíkum frímúrararferðum. Sú fyrri virðist hafa verið skemmtileg ferð í góðu veðri. Riðið var suður í Hafnarfjörð, snædd máltíð, lagður blómsveigur á Bessastöðum og riðið til baka til Reykjavíkur.

Hálft ári seinna var ætlunin að fara til Bessastaða í jarðarför en á leiðinni fór bíll með þremur frímúrararbræðrum og bílstjóra út af Kópavogsbrúnni og á kaf í sjó. Hinir blautu og köldu menn voru fluttir til baka til Reykjavíkur í öðrum bíl, líklega beint heim að Staðarstað, en þar bjó Sveinn Björnsson yfirmómslögmaður (síðar forseti Íslands). Þeir hafa ef til vill verið búnir að hlýja

sér og komnir í þurr fót þegar maður fór niður um ís á Tjörninni, steinsnar frá Staðarstað. Vöskum mönnum með réttan útbúnað tókst að bjarga manninum upp úr.

Frímúrararbræður voru heppnir 8. febrúar 1919. Svo giftusamlega tókst til að allir björguðust úr bílslysini og sama dag voru þeir svo gæfusamir að bjarga manni upp um ís. Óhapp við Kópavogsbrúna varð til happs fyrir manninn sem féll í Tjörnina.

Halldór Baldursson, Skv. R.

¹Skjalasafn Reglunnar. Gjörðabók St. Jóh. fræðslustúkunnar í Reykjavík, fundur 24. júní 1918.

²Skjalasafn Reglunnar. Fylgiskjöl með reikningum Eddu.

³timarit.is/ Morgunblaðið 25.júní 1918, bls. 2.

⁴Skjalasafn Reglunnar. Fylgiskjöl með reikningum Eddu.

⁵timarit.is/ Vísir 4. febrúar 1919, bls. 1.

⁶timarit.is/ Vísir 9. febrúar 1919, bls. 2.

⁷Samkvæmt frásögn Morgunblaðsins 9. febrúar 1919 voru þeir á leið til

Bessastaða til að vera við jarðarför frú Jakobínu Thomsen.

⁸fyrirspurnir@vedur.is og <http://www.vedur.is/vedur/frodleikur/greinar/nr/1098>.

⁹timarit.is/ Vísir 9. febrúar 1919, bls. 3.

¹⁰Staðarstaður er nú Sóleyjargata 1, skrifstofa forseta Íslands. Björn Jónsson ritstjóri og ráðherra (1846-1912) reisti sér húsið. Sveinn Björnsson sonur hans bjó á Staðarstað þegar þessi saga gerðist.

Ég lifði af

Skjót fyrstahjálpi, hjartahnoð og hjartastuðtækni björguðu líf mínu

 HeartSine



Ný vefverslun: www.donna.is
Erum nú á Facebook: [donna.ehf](https://www.facebook.com/donna.ehf)

Donna

Sími 555 3100 www.donna.is

SVAFAR & HERMANN

Kvedja

útfararstofa

Virðing,
reynsla
& þjónusta

Allan
sólarhringinn

571 8222
Svafar:
820 3939
Hermann:
820 3938
Ingibjörg:
820 3937

WWW.KVEDJA.IS



Tveir frímúrararabréður eldri en formlegt stúkustarf á Íslandi



Lárus Sigfússon ekur um á rafmagnsskutlu, 103 ára að aldri.

Ljósmynd: Gunnar V. Andrésson

Þann 6. janúar þessa árs voru liðin eitt hundrað ár frá fyrsta fundi St. Jóh. fræðslustúkunnar Eddu í Reykjavík. Hún varð undanfari St. Jóh.stúkunnar Eddu sem var stofnuð í nóvember 1918 og hélt sinn fyrsta fund 6. janúar 2019 og þar með hófst formlegt St. Jóh.-stúkustarf á Íslandi. Eitt hundrað ára afmælishátíð hefst í haust og stendur fram á næsta vetur.

Við þessi hátíðlegu tímamót er skemmtilegt að minnst þess að tveir frímúrararabréður okkar eru hvor um sig eldri en formlegt stúkustarf á Íslandi. Báðir eru þeir við ágæta heilsu og hafa lifað viðburðaríka ævi.

Þessir heiðursmenn eru Geir R. Tómasson og Lárus Sigfússon.

Tannlæknir í hálfu öld

Geir R. Tómasson er bróðir í St. Jóh.stúkunni Eddu, fæddur á Jónsmessu, 24. júní 1916. Hann varð stúdent frá Menntaskólanum í Reykjavík sumarið 1937 og tók tannlæknapróf í Köln í Þýskalandi 1941 og doktorspróf árið eftir. Hann starfaði í Þýskalandi í tvö ár og í Svíþjóð í tvö ár og kom til Íslands í júlí 1945. Geir rak eigin tannlæknastofu í Reykjavík frá júlí

1946, þar til hann var um áttrætt. Fyrir störf sín á þeim vettvangi var hann kjörinn heiðursfélagi Tannlæknafélags Íslands.

Geir hefur ætíð verið mikill trúmaður og hefur lengi starfað í safn- aðarnefnd Dómkirkjunnar. Í hugvefju sem hann flutti í Dómkirkjunni á uppstigningardag 2015 komst hann m.a. svo að orði: „Ég byrja venjulega daginn með signingu og íklæðist þar með brynju Almættisins sem verndar og hlífir í votviðrum og stormviðrum lífsins, en vermir á gleðistundum og bið nú brottfarar og leyfis frá störfum hér á jörð.“

Eiginkona Geirs var Maria Elfriede Tómasson. Hún lést í ágúst 2016. Þau áttu þrjá syni.

Í tilefni af aldarafmæli Geirs var birt grein um hann í 2. tbl. 12 árg. Frímúrarans. Mynd er af honum á bls. 29 í þessu blaði.

Bóndi og ráðherrabílstjóri

Árinu eldri er Lárus Sigfússon, bróðir í St. Jóh.stúkunni Gimli, fæddur 5. febrúar 1915 og er því fullra 103 ára. Lárus fæddist á Stóru Hvalsá í Hrótafirði og ólst þar upp, einn af fjór-

tán systkinum. Hann hóf búskap á Kolbeinsá í Hrótafirði en vegna veikinda hætti hann búskap eftir 20 ár og flutti suður árið 1956. Þegar Lárus var yngri stundaði hann í áratug póstferðir á hestum frá Stað í Hrótafirði til Hólmavíkur. Á þeim tímum var ekkert vegasamband og hver ferð fjórir til fimm dagar, oft í aftaka vetrarveðrum.

Eftir að hann flutti suður vann hann lengi hjá Sambandinu, seldi Akureyrarvörurnar eins og þær voru kallaðar; málningarvörur, Bragakaffi, hreinlætisvörur og fleira. Eins fór hann með fatamarkaði frá Gefjun víða um land, en lengstum var hann leigubílstjóri meðfram öðrum störfum. Hann var einnig ráðherrabílstjóri í tvo áratugi, byrjaði hjá Halldóri E. Sigurðssyni og lauk ferlinum hjá Þorsteini Pálssyni.

Lárus er mikill áhugamaður um bíla og hefur um ævina átt hátt í 200 bíla. Fyrsta bíllinn eignaðist hann árið 1933 en það var Ford-vörubíll. Bíllinn var notaður til að flytja steypuefni þegar Lárus vann að stækkun Reykja-skóla í Hrótafirði. Síðasta bíllinn seldi hann rétt fyrir eitt hundrað ára afmæli sitt, ákvað að endurnýja ekki ökuskirteinið, og keypti sér rafmagnsskutlu.

Eiginkona Lárusar var Kristín Hannedóttir, sem lést fyrir rúmum níu árum. Þau eignuðust sex börn. Sambýliskona Lárusar er Kristín Gísladóttir.

Ólafur G. Sigurðsson

 Lögsmál

Ásgeir Þór Árnason hrl.

Elvar Örn Unnsteinsson hrl.

Lúðvík Örn Steinarsson hrl.

Magnús Óskarsson hrl., LL.M

Diljá Mist Einarsdóttir hrl.

Sunna Magnúsdóttir hdl.

Lögsmál ehf.

Skólavörðustíg 12 • 101 Reykjavík

Sími 511 2100 • Fax 511 2001

logmal@logmal.is • www.logmal.is

BOSS
HUGO BOSS




BOSS BOTTLED

#MANOFTODAY

CHRIS HEMSWORTH

Rannsóknarstúkan Snorri

Fornleifafundur í Jerúsalem vekur mikla athygli



Í lok síðasta árs fundu fornleifafræðingar, sem unnið hafa að uppgreiftri nærri Grátmúrnum í Jerúsalem, merkilegt innsigli. Á það er ritað á fornhebresku: „Í eigu borgarstjórans“. Hefur aldursgreining leitt í ljós að innsiglið er um 2.700 ára gamalt. Grátmúrinn eða Vesturveggurinn eins og hann er gjarnan nefndur, markar vestasta hluta Musterishæðarinnar í Jerúsalem og þar koma gyðingar saman til þess að minnst eyðingar Musterisins. Við Grátmúrinn komast þeir næst þeim stað þar sem talið er að Musterið hafi staðið en gyðingum er meinað að fara upp á hæðina sem lýtur stjórn múslima.

Fornleifafundurinn er talinn renna styrkari stöðum en áður undir þá sögu-sköðun að frásagnir Gamla testamentisins af fyrsta musteristímabiliinu standist, en það er tímabilið frá því um 970 f.Kr. og til ársins 586 f.Kr. oftast nefnt. Á því tímabili mun Musterið sem

Salómon konungur reisti hafa staðið. Samkvæmt Biblíunni mun Salómon hafa hafist handa við bygginguna á fjórða stjórnarári sínu eða árið 967 f.Kr. og að það hafi staðið í tæp 400 ár. Endalok urðu þau að herdeildir undir stjórn Nebúkadnesars, Babýlóníukonungs, eyddu byggingunni árið 586, á sama tíma og Ísraelsmenn voru herleiddir til Babýlóníu.

Ástæða þess að innsiglisfundurinn er talinn renna stöðum undir það að frásagnirnar af fyrsta musteristímabiliinu standist er sú að tvívegis er í Gamla testamentinu vísað til borgarstjóra í Jerúsalem á fyrrnefndu tímabili. Það er gert í 23. kafla Síðari konungabókar og í 34. kafla Síðari Kroníkubókar. Þeir sem talað hafa gegn þeirri hugmynd að frásagnir Gamla testamentisins frá þessu tímabili geti í raun staðist hafa haldið því fram að útilokað sé að samfélagið í Jerúsalem hafi verið jafn þróað og frá-

sagnirnar gefi til kynna. Þjóðin hafi verið of fámenn og vanþróuð til þess. Þeir hafa í kenningum sínum einatt skákað í skjóli þess að lítið hefur fundist af fornminjum sem stutt hafa fyrrnefndar frásagnir.

Þröngt um fornleifarannsóknir

Fornleifafundurinn sem hér er vitnað til hefur sérstakt gildi vegna þess hversu fá sögubrotin eru sem varðveitt eru í formi áþreifanlegra minja frá þessum tíma. Það sem gert hefur fornleifafræðingum sérstaklega erfitt fyrir í þeirri viðleitni að varpa ljósi á þá sögu sem Musterishæðin og svæðið í kringum hana hafa að geyma er sú staðreynd að múslimar banna allar fornleifarannsóknir á sjálfri Musterishæðinni. Hún hefur lotið stjórn þeirra nær óslitið í 800 ár að undanskildum fáum mánuðum árið 1967 í kjölfar sex dags stríðsins en þá hernámu Ísraelar alla gömlu borgina í Jerúsalem og þar á meðal

Musterishæðina sjálfa. Til þess að rétta út sáttahönd gagnvart óvininum í kjölfar hins skammvinna stríðs afhentu þeir hins vegar hæðina aftur í hendur sjálfseignarstofnunar sem lýtur stjórn múslima og fjármögnuð er af konungi Jórdaníu.

Fornleifarannsóknir í kringum Musterishæðina hafa þó á undanförunum árum leitt í ljós gripi sem rekja má til fyrsta musteristímabilsins eins og áður segir. Vera kann að dag einn muni slíkir fornleifafundir staðfesta frásögnina af byggingu Musterisins sem sagt er frá í Konunga- og Kroníkubókum Gamla testamentisins. Þangað til það gerist verða þeir sem sækja Musterishæðina heim aðeins að gera sér í hugarlund hvernig byggingin leit út og byggja þá mynd á þeim lýsingum sem fyrrnefndar bækur Biblíunnar hafa að geyma.

Tilgátuteikningar

Þar getur reynst gott að styðjast við tilgátuteikningar hollenska fornleifaarkitektsins Leen Ritmeyer sem um áratugaskeið hefur komið að fornleifarannsóknunum í Jerúsalem. Hann hefur á grundvelli fyrrnefndra frá-

sagna dregið upp mynd af Musterinu eins og það hefur getað litið út á sínum tíma.

Byggingin var í raun fjórskipt samkvæmt lýsingum. Fyrst kom forsalurinn, þá musterissalurinn og innst stóð hið allra heilagasta þar sem sáttmálstöflurnar og sáttmálsörkin voru geymd. Utan um musterissalinn og hið allra heilagasta var svo reist þriggja hæða viðbygging, eða hliðarsalir, en flest er á huldu um hlutverk þeirra.

Framan við bygginguna voru reistar tvær súlur sem báru karlmansnöfnin Jakín og Bóas. Fræðimenn hafa leitt að því líkur að súlurnar hafi staðið sem táknmyndir fyrir varðmenn Musterisins. Það hafi aukið á áhrifamátt þeirra að bera mannaöfn. Utan við bygginguna reisti Salómon mikið altari þar sem brenniförnir voru færðar. Ásamt altarinu lét hann einnig byggja gríðarmikla skál sem nefnd var hafíð. Þar munu prestarnir hafa þvegist í aðdraganda fórnarþjónustunnar. Þá var tíu minni skálum komið fyrir á vögnum og hafa þær verið nýttar til að þvo fórnardýrin áður en að sjálfri guðsþjónustunni kom.

Einn forvitnilegasti staður jarðar

Fyrir nokkru hóf flugfélagið Wow beint flug á alþjóðaflugvöllinn í Tel Aviv sem nefndur er í höfuðið á David Ben Gurion, fyrsta forsætisráðherra endureists Ísraelsríkis 1948-54. Það er í fyrsta sinn sem boðið er upp á beint áætlunarflug til Ísrael frá Íslandi. Hin nýja flugleið hefur leitt marga Íslendinga til landsins helga og opnað augu fólks fyrir töfrum landsins. Allnokkrir frímúrarar hafa tekist ferðalagið á hendur og í haust stefnir stór hópur Hamarsbræðra á heimsókn þangað.

Hvort sem bræður ferðast í stórum eða litlum hópum til Ísrael má mæla sterklega með heimsókn í gömlu borgina í Jerúsalem. Sá staður er markaður árþúsunda mannvist og minningunni umusterið sem Salómon reisti.

Bræðrum sem vilja kynna sér bygginguna og byggingarsögu Musterishæðarinnar er bent á nýtt rannsóknareriði sem unnið var á vettvangi St. Jóh. rannsóknastúkunnar Snorra og ætti nú að vera aðgengilegt öllum bræðrum á bókasöfnum regluheimilanna um landið.

Stefán Einar Stefánsson



*Velkomin
í Lauga-ás*

Við leggjum sérstaka áherslu á að hafa á boðstólum ferskasta hráefni sem völ er á hverju sinni. Við erum þekkt fyrir fiskrétti okkar, fjölbreytni í matargerð og að bjóða rétti sem almennt eru ekki á markaðnum.

Ókeypis lyfjaskömmun fyrir bræður og systur

- Ekkert skömmunargjald
- Inniheldur öll lyf og bætiefni eftir þínum þörfum
- Aðstoðum við endurnýjun á lyfseðlum
- Veitum aðstoð við að færa lyfjaskömmun til Borgar Apóteks

Kynntu þér málið í síma 553-8331



Borgar Apótek

– Þín vegna

Borgartún 28, 105 Reykjavík Opið virka daga frá 8 - 18

Hin forna stúka Coupar o' Fife í Skotlandi

Frímúrarastarfsemin í Skotlandi þróaðist á svipuðum tíma og frímúrarastarfsemin í Englandi. Skoska stórstúkan var stofnuð árið 1736, en að baki hennar er löng og merkileg saga af elstu stúkum múrara og frímúrara í Skotlandi, sem ekki verður rakin að sinni. Stofnstúkurnar munu hafa verið 32 talsins og hér verður sagt frá stúkunni sem er einmitt að finna á lista þeirra undir heitinu „Coupar of Fyfe“. Á stofnfundinn í Edinborg er tilgreint að mætt hafi meistari stúkunnar og verðir hennar tveir.

Byggðin í Cupar, í Fife-sýslu í Skotlandi, er talin eiga uppruna snemma á þrettánda öld, umhverfis Cupar-kastala sem þá var orðinn aðsetur lögreglustjóra og síðar dómara héraðsins. Byggðin þéttist smátt og smátt og bærinn Cupar fékk konunglega viðurkenningu um aldamótin 1300 sem kaupstaður (royal burgh) og hóf eftir það innheimtu skatta og náði formlegum tengslum við skipahöfn. Verslun og viðskipti jukust með aðgangi að höfninni, en hefð var fyrir kola- og saltvinnslu í héraðinu. Bærinn var síðan um skeið samkomustaður andlegra og

veraldlegra stétta samfélagsins og slíkt hefur kallað á byggingaframkvæmdir og þjónustu byggingamanna. Iðngildin á þeim tíma þurftu formleg starfsleyfi frá bæjaryfirvöldum og þegar byggingamennirnir söfnuðust á svæðið hefur verið kominn grundvöllur fyrir starfsstúku múrara. Óvíst er hins vegar hvenær stúkan „Coupar o' Fife“ var upprunalega stofnuð. Íbúar bæjarins voru um 2.200 manns árið 1755, en munu nú vera milli níu og tíu þúsund. Þess má geta að golfvöllurinn þar er frá 1855 og er sagður elsti níu holu völlur landsins sem er í stöðugri notkun.

Á heimasíðu stúkunnar segir frá því að stúkan hafi ekki fengið fullgildingu strax eftir stofnfund skosku stórstúkunnar árið 1736, heldur af einhverjum ástæðum ekki fyrr en árið 1758 og þá með heitinu „Coupar of Fife nr. 21“. Upprunaleg aðild að stórstúkunni frá 1736 var engu að síður viðurkennd við fullgildinguna. Stafsetning stúkunafnins átti eftir að breytast nokkrum sinnum og eins númer hennar. Upphaflegt númer í röð stúkana innan stórstúkunnar var 21, en í

skjölum frá mismunandi tímum koma einnig fyrir númerin 17, 18 og 19. Númer stúkana voru miðuð við stofntíma þeirra og skipuðu þeim að ýmsu leyti í virðingarröð innan stórstúkunnar, þannig að oft var barátta um númerin. Stafsetning nafnsins breyttist einnig og að mestu leyti í samræmi við stafsetningu heita bæjarins og sýslunnar, eins og stafsetningin þróaðist með tímanum. Einnig segir frá því að á fyrsta hluta níttjándu aldar hafi stúkan um skeið einungis verið nefnd Sankti Jóhannesarstúkan nr. 17.

St. Jóh.stúkan Glitnir heimsótti þessa stúku í nóvember 2017. Hún hafði ekki aðstöðu til að taka á móti stórum hópi bræðra í stúkuhúsinu í heimabæ sínum, þannig að fengin var heimild til að halda formlegan stúkufund í sal skosku stórstúkunnar við Georges-stræti í Edinborg og tókst sú móttaka með miklum ágætum. Mikla og sennilega mesta athygli við upphaf fundarins vakti það sérkennilega fyrirbæri sem komið hafði verið fyrir rétt innan við salardyrnar og tók fyrst á móti öllum bræðrunum sem gengu inn til fundarins. Fyrirbæri þetta er upp-



stoppað hrútshöfuð eitt mikið, sem verið hefur tákn stúkunnar um langt skeið. Stúkubræðurnir telja að það sé gjöf frá bróður sem hafði starfað í sláturhúsi bæjarins og gekk í stúkuna árið 1902. Um afhendingu hrútshöfuðsins eru hins vegar ekki til neinar ritaðar heimildir, en það er í besta ástandi þrátt fyrir háan aldur.

Auk þess að vera tákn stúkunnar Coupar o' Fife felst sérstaða höfuðsins mikla einnig í því að á hvirfli þess situr neftóbaksbox. Hverjum gesti sem mætir á stúkufund er boðið að þiggja þar úr tóbaksklípu áður en hann tekur sæti í stúkusalnum. Glitnisbræður þáðu að sjálfsögðu flestir að taka þátt í þessari gömlu siðvenju og glöddu sumir hina geðþekku og fjörugu gestgjafa sína með myndarlegum hnerrum.

Jóhann Heiðar Jóhannsson



Hrútshöfuð er tákn stúkunnar Coupar o' Fife. Takið eftir neftóbaksboxinu á hvirfli höfuðsins.



www.norlandair.is

PRICEWATERHOUSECOOPERS PwC

Selfossi



Fagmennska í fasteignaviðskiptum

Sími 511-1555



FASTEIGNASALA
Brynjólfa Jónssonar

Síðunala 21 (Béimálegri) • 105 Reykjavík • Sími 511 1555 • f.bj@faja.is • www.faja.is

Víð andlát ástvinar

Þargætni, hlýja og virðing



Ísleifur Jónsson
Útfarastjóri
Farsími 821 5353



Steinunn Magnúsdóttir
Útfararþjónusta
Farsími 861 3441



Álfheimum 35, 104 Reykjavík
Sími 553 5353 og 821 5353

www.usr.is

isleifur@usr.is

Þjónusta allan sólarhringinn

Glæsilegir 25 ára afmælistónleikar Frímúrarakórsins

Frímúrarakórinn fagnaði 25 ára afmæli með hátíðartónleikum í Regluheimilinu í Reykjavík 24. mars sl. Sérstakir gestir voru fyrirverandi aðalstjórnendur kórsins, en auk þeirra lagði einvalalið einsöngvara og hljóðfæraleikara kórnum lið til að gera þessa tónleika sem glæsilegasta. Við þetta tækifæri kom út afmælisrit kórsins með fjölmörgum frásögnum og myndum úr starfi kórsins.

Kórinn var stofnaður 30. janúar 1993 og hefur frá upphafi tekið virkan þátt í viðburðum innan Reglunnar, einkum Regluhátíðum og afmælis- og hátíðarfundum einstakra stúkna. Árlegir vortónleikar hafa þó verið aðalverkefni hvers starfsárs frá árinu 1997. Þar hefur kórinn lagt áherslu á að sýna getu sína og framfarir, ár frá ári, og að bjóða góðum gestum, einsöngvurum og hljóðfæraleikurum, til leiks.

Efnisskrá afmælistónleikanna var fjölbreytt að venju, íslensk og erlend karlakórslög, frímúraratónlist og lög úr söngleikjum, klassískum meistara- verkum og þjóðlagaarfi.

Að þessu sinni voru einsöngvararnir fjórir, allir úr Reglunni. Kristján Jóhannsson söng ítalskt lag (eins og

vænta mátti) og frímúraralag eftir Mozart við texta br. Jóns Sigurðssonar. Jóhann Sigurðarson flutti tvö lög Teyve mjólkurpósts úr Fiðlaranum á þakinu sem hann hafði leikið á fjöllum Þjóðleikhússins. Ásgeir Páll Ágústsson söng lög eftir Jónas Þóri, aðalstjórnanda kórsins, Sigfús Halldórsson og Edvard Grieg. Björn Björnsson og Ásgeir Páll sungu einsöng í frumflutningi Hávamálasvítu nr. 2 eftir Jónas Þóri.

Kórinn frumflutti einnig annað verk á tónleikunum, lagið *Látum hljóma sönginn sveinar* eftir Helga Bragason, fyrirverandi aðalstjórnanda kórsins, við texta eftir Gunnlaug V. Snævarr, fyrsta formann kórsins. Lagið var gjöf til kórsins í tilefni af 25 ára afmælinu.

Alls tóku sex stjórnendur þátt í þessum tónleikum. Fjórir fyrirverandi aðalstjórnendur kórsins stýrðu einu lagi hver, þeir Helgi Bragason, Gylfi Gunnarsson, Garðar Cortes og Jón Kristinn Cortez sem hefur stjórnað kórnum lengst allra, í ellefu ár. Núverandi aðalstjórnandi, Jónas Þórir, leiddi kórinn í upphafi tónleikanna en sneri sér síðan að undirleiknum og þá tók Friðrik S. Kristins-



SMR Valur Valsson greindi frá stofnun Tónlistarsafns Reglunnar.

son við stjórninni.

Aðrir undirleikarar voru Hjörleifur Valsson og Matthías Stefánsson (fiðla), Ólafur Flosason (óbó), Örnólfur Kristjánsson (selló), Sigurður Hafsteinsson (saxófónn) og Bjarni Sveinbjörnsson (bassi).

Eins og undanfarin ár voru haldnir tvennir tónleikar, kl. 14 og 17. Formaður kórsins, Stefán Andrésson, bauð gesti velkomna og í upphafi síðari tónleikanna tók Stórmeistari Reglunnar, Valur Valsson, til máls, flutti



Frímúrarakórinn 25 ára. Myndin er tekin að loknum seinni tónleikunum. Í fremstu röð fyrir miðju eru stjórnendurnir Jónas Þórir og Friðrik S. Kristinsson.

kórnum hamingjuóskir og greindi frá stofnun Tónlistarsafns Reglunnar.

Afmælisrit kórsins var gefið út þennan dag, 16 síður að stærð, litprentað og með fjölda mynda úr sögu kórsins. Umsjón með útgáfunni hafði kórfélaginn Stefán Halldórsson og var hann einnig kynnir á tónleikunum.

Að síðari tónleikunum loknum efndi Frímúrarakórinn til kvöldverðarveislu þar sem kórfélagar, makar og gestir glöddust yfir farsælli vegferð kórsins. Í tilefni afmælisins ákvað stjórn kórsins að heiðra 14 kórfélaga sem voru meðal stofnenda kórsins fyrir 25 árum og eru enn virkir í starfi hans. Þeir eru:

Björn Ó. Björgvinsson, Björn Olsen, Einar Gunnarsson, Friðbjörn G. Jónsson, Georg Ragnarsson, Guðlaugur Ingason, Halldór S. Magnússon, Karl J. Karlsson, Kjartan Þórðarson, Kristján J. Eysteinnsson, Magnús Halldórsson, Már Karlsson, Ragnar D. Stefánsson og Sveinn Viðar Jónsson.

Stefán Halldórsson

Allar ljósmyndirnar með þessari grein tók Jón Svavarsson.



Jóhann Sigurðarson setti upp húfuna þegar hann söng lög Teyve mjólkurpósts úr Fiðlaranum á þakinu.



Heiðursfélagar kórsins, ásamt formanni. Frá vinstri, fremsta röð: Georg Ragnarsson, Halldór S. Magnússon, Stefán Andrússon, formaður, Sveinn Viðar Jónsson og Björn Olsen; miðröð: Kristján Eysteinnsson, Guðlaugur Ingason, Kjartan Þórðarson og Einar Gunnarsson; aftasta röð: Magnús Halldórsson, Karl J. Karlsson, Már Karlsson og Ragnar D. Stefánsson. Á myndina vantar Björn Ó. Björgvinsson og Friðbjörn G. Jónsson.



Allir núlifandi aðalstjórnendur kórsins tóku lagið í kvöldverðarveislunni. Frá vinstri: Jónas Þórir, Friðrik S. Kristinnsson, Garðar Cortez, Jón Kristinn Cortez, Helgi Bragason og Gylfi Gunnarsson. Fyrsti aðalstjórnandinn, Jón Stefánsson, lést árið 2016.



Hljómsveitin, frá v.: Matthías Stefánsson, Hjörleifur Valsson, Ólafur Flosason, Sigurður Hafsteinsson, Bjarni Sveinbjörnsson og Örnólfur Kristjánsson.



Kristján Jóhannsson söng og Jónas Þórir lék undir.

Regluhátíð 2018:

„Við þurfum að hugsa betur um bræður okkar“

Landsstúka Frímúrarareglunnar á Íslandi hélt sína árlegu Regluhátíð laugardag 13. janúar 2018 í Regluheimili Frímúrarara að Bríetartúni 3-5 í Reykjavík. Boðað var til fundar með venjulegum fyrirvara og var húsfyllir að vanda eða um 400 bræður.

Bræður á IX^o og upp úr sátu fund í Hátíðarsal en bræður á I^o-VIII^o fylgdu með á risaskjá í Jóhannesarsal. Svo vel var sjónvarpsmyndavélum í sveit komið að bræður í Jóhannesarsal höfðu síst verri yfirsýn yfir fund en þeir sem í návígi voru uppi í Hátíðarsal. Þótti þetta minna á útsendingar frá Ólympíuleikum þegar vér sem heima sitjum höfum mun betra yfirlit yfir leikmótið en gestir á áhorfendapöllum.

Ræða Stórmeistara

Í upphafi ræðu sinnar vék SMR að 300 ára afmæli ensku Stórstúkunnar og skýrði frá sameiginlegri afmælisgjöf Reglna innan sænska frímúrararkerfisins og viðbrögðum við henni.

Hann vék því næst að viðburðaríku



Fjórir erlendir Stórmeistarar sóttu Regluhátíðina. Frá vinstri: Ari Arvionen, Charles Ian R. Wolrige Gordon, SMR Valur Valsson, Fabio Venzi og Toomas Tõnise.

starfi í Reglunni sl. ár og minnst sérstaklega á stofnun St. Andrésar fræðslustúkunnar Herðubreiðar á Egilsstöðum. Þá ræddi hann ákvörðun um stofnun nýs embættis í Reglunni,

Staðgengill Ræðismanns Reglunnar, sem jafnframt mun gegna nýju starfi sem Erindreki Reglunnar. Með því starfi væri verið að leggja nýja áherslu á gott upplýsingastreymi um starfið í Reglunni til bræðranna og almennings. Væntir SMR mikils af þessari nýjung.

Í niðurlagi ræðu sinnar fjallaði SMR um bræðrahópinn og sagði frá því hve margir nýir bræður hafa bæst í hópinn á undanförunum árum og jafnframt hversu margir hefðu horfið til austursins eilífa.

En hann ræddi líka hversu margir bræður eru strikaðir út af félagatali ár hvert vegna þess að þeir hafa hætt að greiða árgjöld og óska ekki eftir frekari þátttöku í starfinu. Sagði SMR dapurt að oft kæmi þetta stúkubræðrum á óvart og hvatti hann bræður til að fylgjast betur með bræðrahópnum. „Við þurfum að hugsa betur um bræður okkar,“ sagði SMR að lokum.



Brosildir bræður, frá vinstri: Rúnar Hreinsson, Vilhjálmur Skúlason, Sigurður Örn Einarsson, fv. SMR, og Jón Bergur Hilmisson.

Erlendir heiðursfélagar

Á Regluhátið gerði SMR eftirtalda erlenda bræður að heiðursfélögum í Frímúrarareglunni á Íslandi:

Br. Charles Ian R. Wolrige Gordon of Esslemont, Stórmeistara Stórstúku Skotlands (Grand Lodge of Scotland).

Br. Fabio Venzi, Stórmeistara Stórstúku Ítalíu (Gran Loggia d'Italia).

Br. Toomas Tõnise, Stórmeistara Stórstúku Eistlands (Eesti suurloož).

Br. Ari Arvionen, æðsta Stórmeistara Æðstaráðs 33° hins ævaforna og viðurkennda siðabálks í Finnlandi (Supreme Grand Commander of the Supreme Council 33° of Finland, Suomen muinainen ja oikeutetun riitin korkein neuvosto 33°).

Þrjú fengu heiðursmerki Reglunnar

Á hátíðinni veitti SMR bræðrunum Kristjáni Ármanni Antonssyni, Jónasi Þóri Þórisyni og Kristjáni Ingvari Jóhannssyni heiðursmerki Frímúrarareglunnar á Íslandi.

Tónlist lék að vanda stórt hlutverk á fundinum. Frímúrarakórinn söng nokkur lög og hljóðfæraleikarar léku við hvern sinn fingur. Bróðir Kristján Jóhannsson söng einsöng af alkunnri list bæði og lyst.

Að loknum fundi var gengið til borðhalds. Í forrätt var hægeldaður lax og soya-marineraður þorskhnakki en aðalréttur var rabarbarahjúpað lamba-filet. Á eftir var súkkulaðiis með koníaksdödlum. Bræður gerðu góðan róm að matnum.

101 árs gamall bróðir á fundi

SMR stýrði hátíðar- og veislustúku. Í upphafi ávarpaði hann bróður Geir Reyni Tómasson sem náð hefur 101 árs aldri og lét þó ekki sitt eftir liggja á fundi eða við bróðurmáltíð.

Annars voru fundarsköp hefðbundin. Mælt var fyrir minni SMR og flutt Minni Reglunnar, Minni Fósturjarðar og Minni systra. Einnig voru erlendir gestir ávarpaðir. Sungin voru Minni Reglunnar, Minni Íslands og Systraljóð auk Þjóðsöngs eftir að veislustúku hafði verið slitið.

Það var almannarómur meðal bræðra að Regluhátið 2018 hefði farið hið besta fram og væri hún skipuleggjendum til sóma.

*Stefán Steinsson IX°
RM St.Andr.st. Huldar*

Allar myndir frá Regluhátið tók Jón Svavarsson.



SMR sæmdi þrjú bræður Heiðursmerki Reglunnar. Þeir hafa allir lagt mikið af mörkum til tónlistarlífs í Reglunni. Hér, ásamt SMR, Kristján Jóhannsson og Kristján Ármann Antonsson. Þriðji bróðirinn, Jónas Þórir, var fjarstaddur.



Br. Geir Reynir Tómasson (t.h.), 101 árs gamall, sótti Regluhátiðina. Hann er eldri en formlegt Frímúrararastarv á Íslandi, eins og fram kemur í grein á bls. 20. Honum á hægri hönd eru Viðar Guðjónsson og Jón Gunnarsson.



Feðgar, frá vinstri: Hrafn Þórðarson, Þórður Óskarsson, fv. St.R., og Örn Þórðarson.

Jónsmessuhátíð Rúnar 2017



Ljósmynd: Jón Þór Hannesson.

Árlegur viðburður í starfi St. Jóh.st. Rúnar er Jónsmessufundur þann 24. júní og skipar hann veglegan sess í starfi stúkunnar og hugum bræðranna. Þorsteinn Pétursson hafði í nokkur ár mælt fyrir því að Rúnarbræður gerðu fundinn veglegri með þátttöku systra og aukinni dagskrá aðliggjandi daga. Sýn hans var sú að bræður og systur hvaðanæva af landinu og jafnvel víðar að, leggðu leið sína í Eyjafjörð til móts við miðnætursólina og sumardýrðina.

2015 var tekin sú ákvörðun hjá Rún, með fulltingi St. Andr.st. Huldar og Stúartstúkunnar á Akureyri, að leggja hugmyndina fyrir Stúkuráð til samþykkis með það í huga að hátíðin færi fram 2017. Eftir að frekari mótun á hugmyndinni og hófstilling væntinga hafði farið fram féllst Stúkuráð á að heimila hátíðina.

Framkvæmdaráð og undirnefndir

Framkvæmdaráð þriggja bræðra, Þorsteins Péturssonar, Kristjáns Más Magnússonar og Hannesar Garðarssonar, leiddi undirbúningsstarfið í samráði við Stólmeistara Rúnar og Huldar og Stjórnandi meistara Stúartstúkunnar á Akureyri. Einnig var mynduð nefnd með lykilmönnum sem síðan leiddi störf öryggis-, kynningar-, bókunar-, dagskrár-, gisti- og fjármála.

Ætlunin var að koma hátíðinni á framfæri erlendis en það reyndist örðugt og varð skráning þannig að fjórir bræður frá Englandi mættu og þrjár konur þeirra og þá kom sinn hvor bróðirinn ásamt konum þeirra frá Finnlandi og Danmörku. Danski bróðirinn er Stórsiðameistari Frímúrarareglunnar í Danmörku. Bræðurnir frá Englandi og eiginkonur þeirra voru að endurgjalda heimsókn fjögurra Rúnarbræðra í september 2016 og var þeirra dagskrá frá þriðjudegi til sunnudags.

Golfmót, hestamennska og matarboð

Eiginleg dagskrá hátíðarinnar hófst fimmtudaginn 22. júní með golfmóti í Lundsskógi í Fnjóskadal. Ágætis skráning var í mótið og tókst það prýðilega.

Á föstudeginum fóru erlendu gestirnir fram á Melgerðismela í boði Brynjólfs Ingvarssonar og fengu að spreyta sig á að sitja fáka Brynjólfs og fylgdarliðs hans. Þótti þeim það hin besta skemmtun og nokkrir unnu þar stóra persónulega sigra.

Litið var í Jóláhúsið í Eyjafjarðarsveit á heimleiðinni og loks var farið í stúkuhúsið við Gilsbakkaveg þar sem gestum voru sýnd þau salarkynni sem víðeigandi voru fyrir hvern og einn.

Rúnarbræður hýstu hina erlendu gesti og héldu þeir þeim matarboð á föstudagskvöldinu.

Móttaka og miðnætursigling

Gestamóttaka fór fram í Flugsafni Íslands og voru þar á boðstólum smáréttir og drykkir. Eiríkur Björn Björgvinsson, bæjarstjóri Akureyrar, ávarpaði samkomuna og tónvissir bræður glöddu viðstadda með léttleika sínum. Tvær rútur fluttu bræður og systur bæði að móttökunni og frá og Rúnarbræður önnuðust aksturinn.

Upp úr klukkan ellefu um kvöldið voru landfestar leystar á Húna II og siglt var út Eyjafjörð til móts við Hörgárósa til að skima eftir hvólum, en fyrst og fremst til að njóta samveru og söngs. Um 100 manns voru um borð, þar af áhöfnin sem var að mestu skipuð frímúrirum.

Þéttskipuð dagskrá á laugardegi

Laugardaginn 24. júní var dagskráin þéttskipuð. Einn hópur fór í rútuferð til Grenivíkur og annar á Hauganes. Báðar ferðirnar voru skipulagðar af bræðrum sem búa í þorpunum og þeir tóku við hópunum, sýndu gestunum fyrirtæki á staðnum og annað áhugavert. Fullbókað var í báðar ferðir. Mótorhjólbræður hittust, renndu



Ljósmynd: Hannes Garðarsson.

Krister Santanen frá Finnlandi og Jens Høgsfeldt frá Danmörku hnarreistir í hnakki.



Ljósmynd: Jón Þór Hannesson.

Móttaka í Flugsafninu. Hannes Garðarsson, Aðstoðarmeistari Rúnar og einn þriggja í undirbúningsnefndinni, ávarpar gesti.



Ljósmynd: Jón Þór Hannesson.

Jens Høgsfeldt, Stórsíðameistari dönsku frímúrarareglunnar, flutti þakkarávarp fyrir hönd erlendra gesta við borðhaldið.



Ljósmynd: Jón Þór Hannesson.

Bræður mæta til hátíðarkvöldverðar í Brekkuskóla.



Ljósmynd: Jón Þór Hannesson.

Rúnarkórinn, undir stjórn Daniels Guðjónssonar Varameistara, söng nokkur lög.



Ljósmynd: Jón Þór Hannesson.

Að Jónsmessufundi loknum söfnuðust bræðurnir saman við flygilinn og sungu þjóðsönginn.

stuttan hring í Eyjafirði og fóru á mótörhjólasafnið. Nokkrir hestamenn komu saman við reiðhöllina ofan Akureyrar þar sem bræður sýndu hesta sína og gestum gafst kostur á að skreppa á bak.

Klukkan 17.00 á laugardegnum var síðan mæting á Jónsmessufundinn í Frímúrarahúsinu og sátu fundinn alls 142 bræður. Auk hefðbundinnar dagskrár var þar flutt viðamikil tónlistardagskrá, þar sem Rúnarkórinn söng ásamt fleiri söngvinnum Rúnarbræðrum. Að fundi loknum sungu bræðurnir þjóðsönginn.

Á meðan á fundinum stóð áttu

eiginkonur erlendra bræðra heimboð með systur Rúnarbræðra í undirbúningsnefndinni.

225 manns í hátíðarkvöldverði

Að fundinum loknum gengu bræður fylktu liði yfir í Brekkuskóla, þar sem systurnar biðu í hátíðarsal skólans. Kl. 19.30 hófst hátíðarkvöldverður. Undir borðum var hlýtt á tónlistardagskrá með sömu skemmtikröftum og áður. Flutt voru stutt ávörp, þar sem m.a. danski Stórsíðameistarinna færði þakki-ir erlendra bræðra og ensku bræðurnir afhentu forláta klukku að gjöf frá stúku þeirra í Lyvington í Hampshire.

Við borðhaldið voru alls 225 manns, 123 bræður og 102 systur.

Framkvæmd Jónsmessuhátíðarinnar gekk ekki síður vel en undirbúningur hennar, enda lögðust margir bræður á árarar til að það mætti verða. Við færum öllum sem komu að undirbúningi hátíðarinnar og framkvæmd, sem og öllum gestum okkar hjartans þakki og góðar kveðjur.

*Þorsteinn Pétursson
Kristján Már Magnússon
Hannes Garðarsson*

St. Andrésarstúkan Hlín 25 ára

Þann 14. nóvember sl. fagnaði St. Andrésarstúkan Hlín 25 ára afmæli. Stofndagur stúkunnar er 14. nóvember 1992 og þar afmælisdaginn nú upp á reglubundinn fundardag hennar. St. Andr.st. Hlín er fyrsta St. Andr.st. sem stofnuð var eftir að Frímúrarareglan á Íslandi var stofnuð 1951, en fyrir voru tvær St. Andr.st. sem stofnaðar voru undir vernd dönsku Frímúrarareglunnar. Stofnfélagar voru 81. Fyrsti Stólmeistari stúkunnar var br. Jóhannes H. Proppé.

Afmælisfundurinn var haldinn í hátíðarsal Reglunnar. Stm. Hlínar, br. Jón Ásgeir Eyjólfsson, stýrði fundinum, sem var afar vel sóttur. Þar komu saman 203 bræður og var stúkunni því sýndur mikill sómi á þessum degi. Á meðal gesta var fjöldi bræðra úr stúkum frá hinum Norðurlöndunum sem tengjast sérstökum vinarsamböndum við afmælisbarnið. Stólmeistari Hlínar ávarpaði fundinn og bauð gesti velkomna. Flutt voru ávörp og hátíðaræður auk þess sem viðamikil tón-

listardagskrá setti svip sinn á fundinn, en tónlistin hefur ætíð verið ríkjandi þáttur í stúkustarfinu. Þá voru sex bræðrum veitt heiðursmerki stúkunnar fyrir vel unnin störf í hennar þágu.

Undirbúningur að afmælinu hófst með því að skipuð var afmælisnefnd og síðan ritnefnd, sem hófst handa við öflun gagna um efni í 25 ára sögu stúkunnar. Í tilefni af afmælinu voru útbúnir sérstakir ermahnappar með stúkumerkinu og afmælisárinu, sem hægt er að kaupa hjá féhirðum stúkunnar.

Saga stúkunnar kom út á sjálfan afmælisdaginn undir heitinu „Reisum Musterið“ sem eru einkunnarorð stúkunnar. Söguritun annaðist br. Þórhallur B. Jóseppson, en margir bræður lögð hönd á plóg við gagnaöflun, ljósmyndun, umbrot og hönnun bókarinnar. Til að standa straum af útgáfu bókarinnar var ráðist í söfnun meðal stúkubræðra sem sýndu með góðum undirtektum mikinn velvilja í garð stúku sinnar.

Í veislustúkunni fengu bræðurnir svo afmælisritið „Reisum Musterið“ afhent en þar er að finna fróðleik um stofnun og sögu stúkunnar í 25 ár.



Hlínarbræður í hátíðarskapi í veislustúkunni. Fremstur til vinstri er greinarhöfundurinn, Jón Eiríksson.

Jón Eiríksson



Sex bræður voru sæmdir heiðursmerki Hlínar. Frá v.: Finnbogi Birgisson, Hilmar Jónsson, Þorsteinn Sæmundsson, Jón Ásgeir Eyjólfsson, Stólmeistari, Ólafur Sigurjónsson, Jón Kristinn Cortez og Einar Bjarnald Jónsson.



Allar ljósmyndir með greininni tók Kristján Maack.

Fjórir af fimm Stólmeisturum í 25 ára sögu Hlínar. Frá vinstri: Hákon Birgir Sigurjónsson, Jón Ásgeir Eyjólfsson, Baldur Friðriksson og Pétur Andreas Maack. Fyrsti Stólmeistarinn, Jóhannes H. Proppé, lést árið 2012.



Stm. Hlínar, Jón Ásgeir Eyjólfsson, kynnir afmælisritið „Reisum musteríð“.



Bræður úr vinastúku Hlínar, St. Andr. Corfítz í Malmö, sóttu fundinn. Í fremstu röð frá v.: Anders Samuelsson, fv. Stm., Per Andersson Stm. og Oddur Þórðarson.



Allt tilbúið! Síðameistarateymi Hlínar, frá vinstri: Karl Sölvi Guðmundsson, Arnar Birgisson, Guðjón Elías Davíðsson, Stefán Óli Sæbjörnsson, Baldur Björgvinsson, Baldvin Óli Gunnarsson og Guðmundur Auðunsson.

Minjasafn Reglunnar

Tveir seðlar – 400 ára stúkustarf?



Mynd 1



Mynd 2

Gripirnir á Minjasafninu sem fjallað er um hér kallast á við plattann, sem sagt var frá í síðasta hefti Frímúrarans, frá hausti 2017. Þar er sagt frá sjöstrendum platta með ýmsum frímúraratáknunum í miðju og skammstöfun sem myndar hring utarlega á plattanum: HTWSSTKS.

Í frásögn br. Sveins Kaaber í safnskrá eru gefnar tvær skýringar á skammstöfuninni á plattanum. Sú seinni gæti hins vegar allt eins verið til að gefa tilefni fyrir skemmtisögunni sem þar fylgir.

Hér segir frá tveimur seðlum, nr. 459 í safnskrá, annar þeirra (mynd 1) hefur sömu skammstöfun vinstra megin efst þar sem myndir eru af koparmyntum. Þessum seðlum segir br. Sveinn Kaaber svo frá (hér birt stafrétt eins og SK skrifaði):

Launin á markstiginu

„Tveir seðlar frá The Lodge of Edinborough, og á þeim stendur The Master and the Warden on behalf of the Lodge. Hereby pay the wages which are just due and demanded. Þetta eru launin sem eru greidd á markstiginu 1918 eða 1919. Þegar þessir seðlar voru gefnir út var ekki hægt að útvega kopar til að slá hina venjulegu markpennýmynt og þá hafa þessir seðlar verið notaðir. Og ég geri alveg ráð fyrir að Ásgeir Sigurðsson

hafi gefið okkur þessa seðla og þeir hafi legið hérna öll þessi ár. En þar fyrir neðan koma þrjár markpennýs eða marktokens. Ein er frá Lodge of St. Andrews, nr. 834 East Tilbridge. Hin er frá Salon Lodge nr. 1600. Það er gyðingastúka. Þeir taka yfirleitt aðeins inn gyðinga þar og síðirnir svolítið eftir gyðingahugmyndum þar T.d. setja þeir upp húfu þegar við tökum ofan hattinn. Þessir peningar eru númer 65 og númer 83.“

Þessir peningar, Marktokens, eru mjög algengir, meðal annars á uppboðsvefnum Ebay, og flestir frá Skotlandi. Oft er sams konar skammstöfun á þeim, sem gæti gefið til kynna að fyrri skýringin sem br. Sveinn Kaaber gefur sé rétt: “Hiram the Widow's son, sent to King Salomon.” Markpennýs eða Marktokens hafa að fornu verið eins konar gjaldmiðlar, hugsanlega einnig stigtákn. Núorðið eru þetta einungis safngripir og geta reyndar sumir haft nokkurt verðgildi sem slíkir.

Athyglisverð áletrun

Seðillinn á mynd 2 gefur til kynna að stúkustarf frímúrarara sé nokkru eldra en opinberlega er talið vera.

Áletrun í ramma neðst til vinstri segir: „MARY'S CHAPEL DEMOLISHED 1787 LODGE MEETING PLACE 1618-1787“. Snarð á íslensku:

Kapella Maríu rifin [lögð í rúst?] 1787 fundarstaður stúkunnar 1618-1787.

Stjórnendur The Lodge of Edinburgh (Mary's Chapel No. 1) virðast trúa því, og halda því vissulega fram á þessum seðli stúkunnar, að hún hafi starfað að minnsta kosti frá árinu 1618. Sé það rétt eru liðin 400 ár frá því fundir hófust í Kapellu Maríu, þeirri sem þarna er sagt frá.

Annars konar stúka?

En þá er á það að líta, að þótt stúka reki ættir sínar svo langt, jafnvel enn lengra, aftur í tímann er ekki þar með sagt að um sé að ræða það sama og við köllum frímúrarastarf. Í mörgum heimildum um stúkur á Bretlands-eyjum eru ekki glögg skil á því hvenær um hafi verið að ræða frímúrarastúku og hvenær einhvers konar formóður hennar, þ.e. t.d. gildi steinsmiða eða jafnvel annarra iðnmeistara. Vera má að tímatalningin, sem hér er dæmi um á seðlinum, sýni slíkt án þess að skil séu gerð á milli eðlis starfans í þessum félagsskap sem Skotar kalla „Lodge.“

Í því samhengi er athyglisvert að enginn fyrirvari er gerður á því á seðlinum, að stúkan The Lodge of Edinburgh No. 1 (Mary's Chapel) hafi starfað í Mary's Chapel frá 1618 til 1787.

Aldarafmæli Frímúrarastarfs á Íslandi

Hinn 6. janúar 1919 var St. Jóh.stúkan Edda stofnuð. Aðdragandinn að því var stofnun Bræðrafélagsins Eddu árið 1913 og Fræðslustúkunnar Eddu 6. janúar 1918. Frá upphafi hefur frímúrarastarf átt frjóan jarðveg í landinu og stöðug fjölgun bræðra átt sér stað þannig að nú eru yfir 3.500 bræður innan Frímúrarareglunnar á Íslandi.

Bræður í stúkunni Eddu og stúkum sem stofnaðar voru á tímabilinu fram til júlímánaðar 1951 tilheyrðu Frímúrarareglunni í Danmörku og lutu veldis-hamri Stórmeistara hennar sem lengst af var Kristján X.

Hinn 23. júlí 1951 var Frímúrarareglan á Íslandi stofnuð og fyrsti Stórmeistari hennar var Sveinn Björnsson, forseti Íslands. Hinn 6. janúar 2019 verða liðin 100 ár frá stofnun fyrstu reglulegu frímúrarastúkunnar á Íslandi.

Undirbúningsnefnd fyrir hátíðarhöld

Af þessu tilefni skipaði Stórmeistari Reglunnar hinn 15. janúar 2015 nefnd til undirbúnings hátíðarhalda á vegum Reglunnar og Sankti Jóhannesarstúkunnar Eddu á þessum tímamótum; þá Allan Vagn Magnússon HSM til þess að vera formaður nefndarinnar og bræðurna Kristján S. Sigmundsson FHR, Gunnar Þórólfsson, Jón Andra Sigurðarson og Sigurð Hannesson til þess að taka sæti í nefndinni. Nefndin skyldi gera tillögur með hvaða hætti minnst verður starfa stúkunnar og Reglunnar undanfarin 100 ár og hrinda þeim í framkvæmd. Skulu aðrir bræður sem nefndin kann að leita til veita henni liðsinni sitt og vera henni til aðstoðar eftir því sem hún telur þörf á. Nefndin hóf störf í febrúar 2015 og

hefur haldið 25 fundi. Margir bræður hafa komið að undirbúningi þessum og er hann í fullum gangi.

Helstu viðburðir í tengslum við afmælishaldið

Regluhátíð 2019 verður sérstaklega helguð þessu aldarafmæli frímúrarastarfs í landinu og mun hátíðin bera þess merki.

Laugardaginn 9. mars 2019 verður hátíðarfundur St. Jóh.stúkunnar Eddu þar sem afmælis stúkunnar verður minnst og til þess fundar boðið bræðrum frá systurstúkum Eddu erlendis.

Laugardaginn 6. apríl verður hátíðarsamkoma á vegum Reglunnar í Háskólabíói þar sem haldið verður upp á afmælið og svipast um í 100 ára sögu frímúrarara hér á landi.

Br. Jón Sigurðsson hefur ritað bók um Ludvig Kaaber sem er að mestu tilbúin og ennfremur verður gefið út hátíðarrit þar sem valdir bræður hafa skrifað greinar um söguleg og fræðileg efni. Afmælisritið verður sent öllum bræðrum og þeim boðið að kaupa það.

Stúkur utan Reykjavíkur munu hafa opið í stúkuhúsum þar sem starf Reglunnar verður kynnt og fræðsla veitt um störf frímúrarara. Safnað hefur verið söguágripri allra stúkna utan Reykjavíkur ásamt myndum úr starfi þeirra.

Þá er byrjað að taka viðtöl við eldri og yngri bræður í hljóði og mynd til varðveislu um sögu Reglunnar.

Fyrirhugað er að hafa Regluheimilið opið á Menningarnótt 2019 og munir í eigu Reglunnar verði sýndir.



SMR Indriði Pálsson afhendir Sigríðu Lóu Jónsdóttur styrk til rannsókna á einhverfu barna.

Myndirnar með greininni eru frá 50 ára afmælishátíð Frímúrarareglunnar á Íslandi í Borgarleikhúsinu 8. september 2001.

Herra Ólafur Ragnar Grímsson og frú Dorrit Moussaieff skoða muni úr Minjasafni Reglunnar.



Hin sanna karlmennska



Þær kynslóðir sem ólu okkur upp bjuggu við erfiðari lífskjör en við gerum í dag. Heimurinn var enda allur harðari. Fyrir vikið voru gerðar þær kröfur til íslenska karlmannsins að hann stæði nánast allt af sér, enda fátt annað í boði. Hann skyldi vera duglegur og ósérhlífinn, harður en heiðarlegur. Hann skyldi ekki bera sorg sína og gleði á torg fyrir aðra, heldur halda nærri sér. Að sýna tilfinningar var veikleikamerki karlmannsins, því allir vissu að tilfinningar voru jú fyrir konur.

Það er bara einn galli á gjöf Njarðar. Við karlmenn fengum alveg sama skammt af tilfinningum og konur frá náttúrunnar hendi. Okkur var bara kennt að meðhöndla þær á annan hátt. Bæla þær niður og halda þeim fyrir okkur. Og aðspurðir höfðum við það alltaf gott, hvort sem sú var raunin eða ekki. Strákar gráta ekki. Þeir harka af sér. Hvað þá menn.

Íslenski fjölskylduafarinn skyldi vera sterkur og góð fyrirvinna. Sjá um fjölskylduna. Vera kletturinn sem aðrir gætu reitt sig á. Um uppeldið og önnur kvennastörf sá eiginkonan að langmestu. Börnin skyldu bera virðingu fyrir heimilisföðurnum, en ekki sýndi fjölskylduafarinn alltaf ást sína á börnum og fjölskyldu á neinn afgerandi hátt, þótt hún væri til staðar.

Í dag eru breyttir tímar. Nú njótum við þess að taka virkari og mikilvægari þátt í uppeldi barnanna okkar. Aukið jafnræði er á milli kynjanna. Okkur þykir í auknum mæli sjálfsagt að tala um líðan okkar og tilfinningar af alvöru og deila gleði okkar og sorgum með öðrum. Áður fyrr vorum við fljótir að gera lítið úr hvers konar vanlíðan, depurð og álagi, enda voru hvers kyns

slíkar vangaveltur afgreiddar fljótt af samfélaginu sem veikleikamerki, og jafnvel geðveiki, og það var stimpill sem enginn vildi bera.

Þessir nýju breyttu tímar eru flóknari en fyrri tímar og víst er að nútímamaðurinn þarf að glíma við öðruvísi áskoranir en voru uppi fyrir bara 30 árum, svo við tölum ekki um fyrir hálfri öld. Lífsferill okkar og starfsframi er flóknari, og samfélagið leggur sífellt á okkur auknar kröfur um það sem við þurfum að kunna og geta. Ein af afleiðingum þessa er að sífellt fleiri glíma við einkenni streitu og álags, kvíða og þunglyndi.

Hræðilegasta birtingarmynd þessa eru sláandi tölur um sjálfsvíg ungra karlmanna á Íslandi, en þær eru með því hæsta sem gerist, og eru algengasta dánarorsök ungra karlmanna á Íslandi.

Mikið hefur þegar verið gert til þess að auka við hvers konar forvarnir í skólum, og kenna ungum karlmönnum að deila líðan sinni með öðrum, og leita sér hjálpar áður en vanlíðan þeirra tekur völdin. En meðvitund okkar allra um þetta vandamál eykur líkurnar á því að við getum orðið einhverjum af gagni og komið til hjálpar, og ekki má gleyma neinum aldurshópi, því þessi vanlíðan lætur á sér kræla á öllum aldri, í öllum hópum samfélagsins.

Og af hverju skrifum við um þetta á þessum vettvangi? gæti einhver spurt. Jú, fyrir því eru fleiri en ein ástæða.

Í fyrsta lagi upplifa margir okkar frímúrarastarfið sem griðastað, þar sem áreiti hins ytra heims kemst ekki að. Við komum endurnærðir heim af fundunum okkar, með styrk og hugarró að vopni til að takast á við þær

áskoranir sem bíða okkar. Þetta er mikilvægt og verðmætt vopn í okkar eigin lífsbaráttu.

Ekki síður er starf okkar bókstaflega grundvallað á tilfinningum. Kærleika, samúð, skilningi og hluttekningu með öðrum. Gleði yfir því sem gott er, staðfestu mót því sem ekki er það. Sterkri réttlætiskennd. Markmið okkar er að bæta okkur, og heiminn í kringum okkar. Ein leið til þess hlýtur að vera að minnka vanlíðan, hvar sem við sjáum hana, og berjast gegn henni með öllum tiltækum vopnum.

Og síðast en alls ekki síst, erum við hluti af stærsta bræðralagi í heimi, sem inniheldur nánast allar útgáfur af karlmönnum, og er síst einsleitur hópur, þótt hann klæði sig eins þegar hann hittist. Allir eigum við okkur eigin sögu, áskoranir og sigra í lífinu. Við erum bræður. Því fylgir auðvitað sú ábyrgð að láta okkur annt um líðan hver annars og reynast sannir vinir þegar eitthvað bjátar á. Næsta víst má heita að nánast enginn siglir í gegnum vegferð sína án þess að þurfa á vinarhönd að halda. Góðu fréttirnar hér er að við erum langt í frá einir á báti, við höfum hver annan.

Um framtíð staðalímyndar karlmenskunnar verða alltaf deildar skoðanir. Hugrekki, jákvæðni og eiginleikinn að geta staðið af sér mót-læti eru auðvitað ennþá mikilvægir eiginleikar. Heiðarleiki og andlegur styrkur er eitthvað sem við stefnum allir heils hugar að. Það hefur ekkert breyst. En við nánari skoðun, þá á ekkert af þessu meira við karlmenn en konur. Þetta er það sem allar manneskjur vilja en leiðin að þessum markmiðum reynist okkur misgreiðfær.

Ef við hugsum vandlega um það, komumst við kannski að þeirri niðurstöðu að með því að bæla niður og hylma yfir tilfinningar okkar, góðar eða slæmar, séum við í raun kannski bara að gerast sekir um yfirborðsmennsku, og ekki að sýna umheiminum okkar sanna og rétta mann.

Og með því að taka þátt í slíkri hegðun leggjum við ósjálfrátt þá skyldu á menn í kringum okkur að þeir hagi sér á viðlíka hátt, sama hvað það kostar þá af andlegum styrk og vanlíðan. Þetta ætti alla vega að vera okkur öllum umhugsunarefni, hverjar sem skoðanir okkar á sannri karlmennsku eru.

Pétur S. Jónsson



EIRVÍK FLYTUR HEIMILISTÆKI INN EFTIR ÞÍNUM SÉRÓSKUM

Endurskapaðu hlýtt og notarlegt andrúmsloft fyrri tíma. Heimilistækin frá Smeg eru miðpunktur athyglinnar hvar sem þau standa.



EIRVÍK

Stórhátíð Frímúrarareglunnar 2018

Stórhátíð Frímúrarareglunnar 2018 var haldin 22. mars sl. Að venju var mæting góð og mættu 229 bræður. Stórhátíðin er haldin á vegum Landsstúkunnar og þurfa bræður að hafa náð áttunda stigi til hafa aðgang að fundinum. Þetta eru einstaklega fallegir fundir og ástæða til að hvetja alla bræður sem náð hafa frömun að mæta. Yngri bræður geta hlakkað til, því fyrr en varir verða þeir komnir í hóp kapitlabræðra og geta þá notið þessara stórhátíða.

Stórhátíð er, eins og nafnið gefur til kynna, stór fundur og tilkomumikill og þá reynir á að sem minnst fari úrskaiðis. Ábyrgðin hvílir einna þyngst á herðum embættismanna Landsstúkunnar. Reglan hefur á að skipa öflugum og áhugasömum embættismönnum á öllum stigum og í öllum stúkum á landinu. Það hefur vonandi ekki vakið athygli margra, að vegna forfalla þurfti að leita til embættismanna sem ekki höfðu langan undirbúning að hátíðinni. Þeir voru kallaðir til starfa með stuttum fyrirvara. Þetta vakti athygli mína, sérstaklega hversu vel og beindi hugsun minni að hversu vel Reglan er skipuð bræðrum. Bræður eru ávallt reiðubúnir til trúnaðarstarfa og embættisverka. Embættismenn koma og fara og bræður koma og fara, en Reglan stendur óhöggud, stuðlabergi lík. Í þessu felast helstu verðmæti Reglunnar og frímúrarastarfsins.

Fyrir mér var hápunktur hátíðarinnar vígsla br. Eiríks Finn Greipssonar til R&K. Ákaflega sterk og áhrifamikil athöfn. Ég veit að Eiríkur og allir bræður sem fylgdust með eru sammála mér. Það var líka ánægjulegt að honum verða falin áhugaverð trúnaðarstörf, sem nánar er greint frá í viðtali við hann annars staðar í blaðinu. Með Eiríki voru skipaðir bræður sem hafa langa reynslu og þekkingu af fjölmiðla- og kynningarstörfum. Starf þeirra á örugglega eftir að vekja eftirtekt og áhuga, jafnt inn á við meðal bræðra og út á við hjá almenningi.

Að vanda stýrði SMR Valur Valsson fundi. Féhirðir reglunnar, FHR Kristján S. Sigmundsson, gerði grein fyrir fjármálum hennar og kom fram að mikið verk hafi verið unnið hjá

féhirðum stúknanna til að styrkja og einfalda fjárhag Reglunnar. SÆK, Kristján Björnsson, flutti ávarp, sem og IVR, Kristján Þórðarson. Þá eru ótalin verk annarra embættismanna og ekki síst hin mikla vinna St.Sm. Kristins Guðmundssonar og hans síðameistarara. Fyrir öll þessi verk ber að þakka sérstaklega.

Það eru verk bræðranna sem gera Frímúrararegluna og starfið að því sem það er. Að byggja musterið, innra með okkur, sem við gerum hver og einn fyrir okkur sjálfa og líka hið ytra

musteri, fallega og sterka umgjörðina þar sem innra starfið okkar fer fram. Þar reynir á embættismennina eins og fyrr sagði, öfluga embættismenn sem koma og fara. Á hverri Stórhátíð er stór hópur nýrra bræðra kallaður til starfa í fjölbreyttum embættum. Að sama skapi hætta margir embættismenn eða færa sig til annarra og nýrra starfa. Þannig er gangur lífsins, á þessu byggir Reglan styrk sinn og varanleika.

Örn Þórðarson, Mímisbróðir.



Hjörleifur Valsson, SMR Valur Valsson og Jónas Þórir sem hlaut Heiðursmerki Reglunnar á Regluhátíð 2018.



Hamarsbræður, frá v.: Friðgeir Magni Baldursson, Magnús Andrésson, Ármann Ólafsson, Ólafur Magnússon Stm. og Símon Jón Jóhannsson.

Ljósmyndir: Jón Svavarsson

VALITOR**Pípulagningarþjónusta
Bolungarvíkur**Hafnargötu 116, Bolungarvík
Sími 893 4063*Nesey ehf***JAKOB VALGEIR EHF.**
Grundarstíg 5
Sími 894 7584

Akranesi

**SÝNINGARLJÓS**
Cuxhafengötu 1, 220 Hafnarfirði
896 5171**mbl.is**

RÁÐLAG
RÁÐGJÖF • STJÓRNUN

ÁSAFL 10
ÁRA 2007-2017

Tækniþjónustan sf

Lágmúla 5
581 3844

BÚTUR
PÍPULAGNINGAÞJÓNUSTA
AKUREYRI
Njarðarnes 9 - 603 Akureyri
Sími 412-0400 - Fax 412-0401

Hjólbarðþjónusta Magnúsar[®]
HM
Gagnheimi 25
800 Selfossi
S. 482 2151
S. 897 3351
Hl. 482 4151

PALLI EGILS EHF.

Hrísholti 23, Selfossi
Sími 893 1223

Barði Öundurson

Hafrafelli, Ísafirði
Sími 892 0429

GLUGAR
Kaldbaksgötu 1, Akureyri

ENDURSKOÐUN
VESTFJARÐA ehf

ISPAN HF.
EINANGRUNARGLER
AKUREYRI

Ábygg
Alhliða byggingaþjónusta
Sími 896 6624 • 482 2826

VEIÐMÍÐJA ÓLAFS R. GUDJÓNSONAR
SMÍÐJUVÖLLUM 6
AKRANES - Sími 431 3022

BÓKHALDSPJÓNUSTA ARA

REYKJAVÍKURVEGI 66
HAFNARFIRÐI
895 1750

KURL
vegsögun ehf
kurlehf@simnet.is

MEITILL

GRAND
ÞVOTTUR EHF
preben@thvottur.is

AÐALVIK
BYGGINGAVERKTAÐAR
Skrifstofa 967-1461 - Verktæði 555-2348 - adalvik@centrum.is

HÁSANDUR

Birkíasi 36, 210 Garðabæ
862 0192

HÚSEY ehf.
Teikni- og verkfræðistofa
Sími: 898-9199 / Netf.: husey@internet.is
Vinnustofa, Austurvegi 4, Selfossi

AB

Almenna bókafélagið

Þrymja

PROMENNT

Þessumferðir
Dverghamrar ehf.
Súðavörð 400-8444
Reykjavík 101

ER húse ehf.
BYGGINGAVERKTAÐAR



HLÍÐARKAUP



Eðalmálmsteypan
Gullsmíður
Einar Esrason
Eyrarlandi 1
530 Hvammstangi
Sími: 869 8143
eesra@simnet.is

**Velkomin á
Blönduós**



HÖFÐATORG.



Gillibo ehf
Málningarþjónusta
Gísli Björgvinsson

Sími 821-2026 - Netfang: gillibo61@gmail.com



Ljósmyndasafn Reglunnar




Ljósmyndir: Guðmundur Viðarsson.

Þann 20. apríl árið 2013 hófust með formlegum hætti gagngerar endurbætur á St. Jóhannesarsal Regluheimilis Frímúrarareglunnar í Reykjavík. Þessi stóra framkvæmd var að langmestu leyti unnin í sjálfbodavinnu og fjármögnuð af bræðrunum í St. Jóhannesarstúkunum. Breytingarnar tóku um fimm mánuði með hjálp dugmikilla bræðra. Margir bræður höfðu áhuga á gangi framkvæmda og á myndinni er Bernótus heitinn Kristjánsson, br. í Gimli X, að virða fyrir sér breytingarnar í miðjum framkvæmdum.



Hið gamla þurfti að víkja fyrir því nýja.



Leikur ljóss og skugga.



SAGE

DRAUMASTÖNGIN
SAGE ER VINSÆLASTA FLUGUSTÖNGIN
ÞAÐ ER EKKI TILVILJUN



VEIÐIHORNID

Síðumúla 8 • Reykjavík • S: 568 8410 • veidihornid.is

HVER ER HLIÐ DAGSINS?




FACEBOOK.COM/HOMBLEST



Prentsky®

OPTIMA

Optima er leiðandi fyrirtæki í sölu og þjónustu á prentlausnum á Íslandi

Prentbúnaður og heildarlausnir



OPTIMA

Vínlandsleið 6-8 Reykjavík
Glergata 28 Akureyri
Sími 588 9000

RICOH
Láskorandi Prentari - Sérfræðingur

SCAN COIN
Mjómátt og Bláskorandi

ROSENGRENS
Öryggi og Þjónustuleið

BISLEY
Kjör og Bláskorandi

Securix
Öryggislausnir

WINCOR NIXDORF
Kjörandi

xerox

KATLUN
Fyrirvalandi

ÚTFARARSTOFA ÍSLANDS

Auðbrekku 1, Kópavogi

SÍÐAN 1996



ALÚÐ • VIRÐING • TRAUST • REYNSLA



Kristín Ingólfssdóttir



Sverrir Einarsson



Margrét Ásta Guðjónsdóttir

Símar allan sólarhringinn: 581 3300 & 896 8242 • www.utfarin.is

Komum heim til aðstandenda og ræðum skipulag útfarar ef óskað er.

ÚTFARARSTOFA HAFNARFJARÐAR

Flatahraun 5a • www.utfararstofa.is • Símar: 565 5892 & 896 8242



Bergur Már Sigurðsson
ökukennari

896 5087

Hjóla
sprettur
VERSLUN OG VIÐGERDIR

GRAF
SKILTAGERÐ



Strúctor
byggingaþjónusta

HAGTAK

VESTFIRSKIR
VERKTAKAR

Heyrnartæki sniðin að þínum þörfum

ÓKEYPIS
HEYRNAR
MÆLING!



HEYRNARSTÖÐIN

Læknastöðin, Kringlunni • Sími 568 7777 • heyrnarstodin.is

Frá Stjórnstofu

*Skipun í embætti á Stórhátíð
hinn 22. mars 2018*

Stjórnstofa gjörir kunnugt:

1. Háttupplýstur br. r.p. Eiríkur Finnur Greipsson er hér með skipaður til að gegna nýju embætti Stórembættismanna, embætti Staðgengils Ræðismanns Reglunnar, jafnframt er hann leystur frá störfum Y.Yf.Stv.

Landsstúkan, embættisskipan:

2. Háttupplýstur br. r.p. Guðmundur Ágúst Ingvarsson, sem náð hefur hámarksaldri embættismanna, er hér með leystur frá embætti E.Yf.Stv.

3. Háttupplýstur br. r.p. Guðmundur Már Stefánsson er hér með skipaður til að vera E.Yf.Stv.

4. Háttupplýstur br. r.p. Skarphéðinn Magnússon er hér með leystur frá störfum E.Yf.Stv. að eigin ósk.

5. Háttupplýstur br. r.p. Ingvar Ásgeirsson er hér með skipaður til að vera E.Yf.Stv.

6. Háttupplýstur br. r.p. Þorsteinn S. Pétursson er hér með leystur frá störfum Y.Yf.Stv. að eigin ósk.

7. Háttupplýstur br. r.p. Bogi Magnússon er hér með skipaður Y.Yf.Stv. Jafnframt er hann leystur frá embætti Yf.Sm.

8. Háttupplýstur br. r.p. Ólafur Rúnar Guðjónsson er hér með skipaður til að vera Y.Yf.Stv.

9. Háttupplýstur br. r.p. Snorri Magnússon er hér með skipaður til að vera Yf.Sm.

10. Háttupplýstur br. r.p. Halldór Baldursson, sem náð hefur hámarksaldri embættismanna, er hér með skipaður til að gegna embætti Skv. R. til Stórhátíðar 2020.

11. Háttupplýstur br. r.p. Albert Sveinsson, sem náð hefur hámarksaldri embættismanna, er hér með skipaður FSMR til Stórhátíðar 2020.

12. Háttupplýstur br. r.p. Gísli Örvar Ólafsson, sem náð hefur hámarksaldri embættismanna, er hér með skipaður FSMR til Stórhátíðar 2020.

13. Háttupplýstur br. r.p. Ólafur Vigfússon lætur af störfum sem Y.Sm. að eigin ósk.

14. Upplýstur br. Carl Daníel Tuliníus er hér með skipaður til að vera Y.Sm.

15. Háttupplýstur br. r.p. Björn Ragnar Ragnarsson, sem náð hefur hámarksaldri embættismanna, er hér með leystur frá starfi E.St.Stú.

16. Háttupplýstur br. r.p. Sigvaldi Páll Gunnarsson, sem náð hefur hámarksaldri embættismanna, er hér með leystur frá störfum E.Stú. Jafnframt er hann skipaður til að gegna embætti E.St.Stú.

17. Háttupplýstur br. r.p. Páll Guðni Egilsson, sem náð hefur hámarksaldri embættismanna, er hér með leystur frá starfi Y.St.Stú.

18. Háttupplýstur br. r.p. Jón Þorsteinn Gíslason er hér með skipaður til að vera Y.St.Stú. Jafnframt er hann leystur frá starfi Y.Stú.

19. Háttupplýstur br. r.p. Kristinn Tómasson lætur af störfum sem Sm. að eigin ósk.

20. Upplýstur br. Jón Helgi Sigurðsson, sem náð hefur hámarksaldri embættismanna, er hér með leystur frá störfum sem Sm.

21. Upplýstur br. Valdemar Steinar Jónasson lætur af störfum sem Sm. að eigin ósk.

22. Upplýstur br. Skapti J. Haraldsson er hér með skipaður til að vera Sm.

23. Hæstlýsandi br. Jón Þór Ágústsson er hér með skipaður til að vera Sm.

24. Hæstlýsandi br. Ólafur Örn Karlsson er hér með skipaður til að vera Sm.

25. Háttlýsandi br. Jón Þorsteinn Sigurðsson er hér með skipaður til að vera Sm.

26. Háttlýsandi br. Jón Halldór

Sigurðsson er hér með skipaður til að vera Sm.

27. Háttupplýstur br. r.p. Haraldur Sigurðsson, sem náð hefur hámarksaldri embættismanna, er hér með leystur frá störfum sem Fh.

28. Háttupplýstur br. r.p. Hákon Sigurðsson, sem náð hefur hámarksaldri embættismanna, er hér með leystur frá störfum sem Fh.

29. Háttupplýstur br. r.p. Hermann Jónasson, sem náð hefur hámarksaldri embættismanna, er hér með leystur frá störfum sem Fh. Jafnframt er hann skipaður til að vera E.Stú.

30. Háttupplýstur br. r.p. Sigurður Gunnar Vilhelmsson er hér með skipaður til að vera Fh.

31. Upplýstur br. Páll Þórhallsson er hér með skipaður til að vera Fh.

32. Upplýstur br. Þórir Sigurgeirsson er hér með skipaður til að vera Fh.

33. Háttupplýstur br. r.p. Magni Sigurhansson er hér með leystur frá embætti Y.Ev.

34. Upplýstur br. Auðunn Ágústsson er hér með skipaður Y.Ev. Jafnframt er hann leystur frá embætti A.Ev.

35. Háttupplýstur br. r.p. Brynjólfur Halldórsson er hér með leystur frá embætti A.Ev.

36. Háttupplýstur br. r.p. Guðmundur Baldur Sigurgeirsson er hér með leystur frá embætti A.Ev.

37. Háttupplýstur br. r.p. Kristján Helgi Jóhannsson er hér með leystur frá embætti A.Ev.

38. Háttupplýstur br. r.p. Eðvald Möller er hér með skipaður til að vera Y.Stú.

39. Háttupplýstur br. r.p. Matthías Daði Sigurðsson, sem náð hefur hámarksaldri embættismanna, er hér með leystur frá störfum sem Y.Stú.

40. Upplýstur br. Guðlaugur Sæmundsson er hér með skipaður til að vera Y.Stú.

Frá Stjórnstofu

41. Hæstlýsandi br. Þór Sigmundsson er hér með skipaður til að vera A.Skdv.
42. Háttupplýstur br. r.p. Sveinbjörn Egill Björnsson er hér með skipaður til að vera R.
43. Háttupplýstur br. r.p. Jón Kristinn Cortez er hér með skipaður S.
44. Háttupplýstur br. r.p. Ívar Þórólfur Björnsson er hér með skipaður Ev.
45. Háttupplýstur br. r.p. Bragi Michaelsson er hér með skipaður Ev.
46. Háttupplýstur br. r.p. Kjartan Sigurðsson er hér með skipaður Ev.
47. Háttupplýstur br. r.p. Jón Stefán Karlsson er hér með skipaður Ev.
48. Háttlýs. br. Kári Allansson er hér með skipaður S.
49. Háttupplýstur br. r.p. Smári Ólason er hér með skipaður S.

Stúartstúkan á Akureyri:

50. Upplýstur br. Vilhelm Þorri Vilhelmsson er hér með leystur frá störfum A.E.Stv. að eigin ósk.
51. Háttuppl. br. r.p. Skarphéðinn Magnússon er hér með skipaður til að vera A.E.Stv.
52. Hæstlýsandi br. Preben Jón Pétursson er hér með leystur frá störfum A.Sm.
53. Hæstlýsandi br. Maron Pétursson er hér með leystur frá störfum A.Sm.
54. Uppl. br. Ásgrímur Örn Hall-

grímsson er hér með skipaður A. Sm.

55. Hæstlýsandi br. Erlingur Hugi Kristvinsson er hér með skipaður A.Sm.

56. Hæstlýsandi br. Jónas Þór Jónasson er hér með skipaður A. Sm.

Ráð Reglunnar:

Fjárhagsráð

57. Háttupplýstur br. r.p. Hilmar Guðbjörnsson er hér með skipaður til að eiga sæti í Fjárhagsráði til Stórhátíðar 2020.
58. Upplýstur br. Guðmundur H. Baldursson er hér með skipaður til að eiga sæti í Fjárhagsráði til Stórhátíðar 2020.

Stúkuráð

59. Háttupplýstur br. r.p. Jóhann Heiðar Jóhannsson er hér með skipaður til að eiga sæti í Stúkuráði til Stórhátíðar 2020.
60. Háttupplýstur br. r.p. Bergur Jónsson er hér með skipaður til að eiga sæti í Stúkuráði til Stórhátíðar 2020.
61. Háttupplýstur br. r.p. Guðbrandur Magnússon er hér með leystur frá setu í Stúkuráði að eigin ósk.
62. Háttupplýstur br. Björn Óskar Björgvinsson er hér með skipaður til að eiga sæti í Stúkuráði til Stórhátíðar 2020.

Fræðaráð

63. Háttupplýstur br. r.p. Snorri

Egilson er hér með skipaður til að eiga sæti í Fræðaráði til Stórhátíðar 2020.

64. Háttupplýstur br. r.p. Steinn G. Ólafsson er hér með skipaður til að eiga sæti í Fræðaráði til Stórhátíðar 2020.

65. Háttupplýstur br. r.p. Eggert Claessen er hér með skipaður til að eiga sæti í Fræðaráði til Stórhátíðar 2020.

66. Upplýstur br. Kristinn Tryggvi Gunnarsson er hér með skipaður til að eiga sæti í Fræðaráði til Stórhátíðar 2020.

67. Háttupplýstur br. r.p. Kristinn Ágúst Friðfinnsson er hér með skipaður til að eiga sæti í Fræðaráði til Stórhátíðar 2020.

68. Háttupplýstur br. r.p. Ólafur Ólafsson er hér með skipaður til að eiga sæti í Fræðaráði til Stórhátíðar 2020.

Styrktarráð

69. Upplýstur br. Flosi Sigurðsson er hér með skipaður til að eiga sæti í Styrktarráði til Stórhátíðar 2020.
70. Hæstlýsandi br. Skúli Skúlason er hér með skipaður til að eiga sæti í Styrktarráði til Stórhátíðar 2020.
71. Háttupplýstur br. r.p. Bragi Michaelsson er hér með skipaður til að eiga sæti í Styrktarráði til Stórhátíðar 2020.
72. Háttupplýstur br. r.p. Karl Alfredsson er hér með skipaður til að eiga sæti í Styrktarráði til Stórhátíðar 2020.

ALLT HEFST MED



NESCAFÉ



LEUPOLD



TÆR OG BJARTUR SJÓNAUKI ER

LÍFSTÍÐAREIGN

BANDARÍSKU **LEUPOLD SJÓNAUKARNIR** ERU EINHVERJIR
ÞEIR TÆRUSTU OG BJÖRTUSTU SEM VÖL ER Á.



VEIÐIHORNIÐ

SÍÐUMÚLA 8 • REYKJAVÍK